

“Instancianan mester tene bon cuenta ora kier financia proyectonan sin permiso”



Pagina 2

- **Fitch Ratings ta pronostica un caida leve den crecimiento economico**

Pagina 3

- **Preparacionnan pa celebracion di 18 di maart ta den full swing**

Pagina 4

- **Lider Nort Koreano ta ordena trupanen prepara pa guerra**

Pagina 23

Xander Bogaerts bayendo cu MLB pa Sur Korea



Pagina 17

Ariel Henry ta frena e avance di solucion pa e crisis na Haiti



Pagina 11



Parlamentarionan di UE ta sospecha parlamentario di FVD di conspira cu Rusia

Pagina 9



★ \$5,575 IN TOTAL PRIZES! ★

MONDAY MARCH 18 • STARTING AT 1PM
BUY-IN: \$20 • BUY 2 BINGO GAMES & GET THE 3RD ON US!

PROGRESSIVE JACKPOT STARTING AT \$25,000

THE CASINO AT
THE RITZ-CARLTON
ARUBA

Minister di Naturalesa, Ursell Arends:

“Instancianan mester tene bon cuenta ora kier financia proyectonan sin permiso”

Recientemente, Bon Dia Aruba a publica e situacion cu tabata tumando luga na ex-Isla di Oro, caminda Fundacion Parke Nacional Aruba a informa cu nan no a duna aprobacion pa e desaroyo cu ta tumando luga y esaki ta un area protegi pa ley. Di e topico aki, minister di Naturalesa, Ursell Arends tambe a duna comentario.

E imagen di un mashin des-trosando un area cu mangel pa por realiza un construccion na ex-Isla di Oro a causa desapunto den comunidad di Aruba dialuna ultimo. En conexion cu esaki, redactor di Bon Dia Aruba a tuma contacto cu Fundacion Parke Nacional Aruba (FPNA), na unda Natasha Silva, ken ta fungi como Chief Conservation Officer, a splica cu na e momentonan aki e trabaonan pa e proyecto aki a para, for di momento cu nan a bay bishita e area pa haci un quickscan.

FPNA nunca a duna aprobacion pa e desaroyo aki, pa motibo cu ex-Isla di Oro ta un area protegi pa ley cu ta cay bao maneho di FPNA. E mangelnan ta un especie protegi pa ley y e area tambe ta cay den ‘Natuur Gebied’ Nieuwe aanwijzing domein-gronden als natuurreserveaat (AB 2020 no. 67) y Ruimtelijke Ontwikkelingsplan met Voorschriften 2021 (AB 2021 no. 123); mientras cu e isla mes y e lama ta cay den Marine Protected Area (MPA), esta Landsbesluit Parke Marino (AB 2018 no. 77).

Adicionalmente, e area aki tin reconocemento internacional como un Key Biodiversity Area (KBA) door di IUCN y ultimamente a wordo clasifi-



ca como un RAMSAR gebied (RAMSAR Site no. 2526) – dunando e area akinan mas balor ainda. Den e caso aki, segun Silva ta expresa, a nega a base di diferente parti di ley, pero asina mes e desaroyador a continua cu e trabaonan dañino pa naturalesa sin permiso.

Mirando cu ayera mainta, minister Ursell Arends tene un conferencia di prensa pa loke ta trata

“Derecho di Naturalesa,” redactor di Bon Dia Aruba a puntra e minister riba su punto di bista pa loke ta trata e desaroyo den area aki. El a contesta cu “e area aki ta di vital importancia, pasobra e ta cay den diferente leyman di proteccion y nos kier garantisa cu e tin su proteccion tambe. E motibo di pakico e trabaonan a para, ta pasobra no tin niun vergunning otorga pa e trabaonan aki por tuma luga. Esaki ta un proceso cu ya caba nos a mira den pasado cu a tuma lugar, manera e proyecto di Embassy Suites, cu nan kier a crea e beach; esaki no ta diferente, mirando cu regla y ley ta conta pa tur hende. Niun



hende ta riba ley, ni ami como minister, niun ciudadano ta riba ley. Mi ta para pa esaki y nos ta zorg pa naturalesa haya su defensa den e manera con ley ta prescribi.”

Tur departamento concerni a stop e trabaonan y aworaki ta evaluando kico ta e pasonan cu mester tuma. “Mi ta haya cu a bira ora pa hendenan of instancia cu ta financia e tipo di proyectonan aki tambe mester tene na cuenta cu si e proyecto no ta cuadra cu niun rekisito ni tin vergunning, esaki tambe mester ta un red flag prome cu bo duna financiamiento. E ta pasa den diferente faceta prome cu yega unda el a yega y tur instituto mester para keto, mirando cu nos ta un isla cu nos a mira con nos recursonan natural a ser explota pa añanan y unda nos naturalesa ta awe, mi ta kere cu nos tin cu traha hunto,” minister Arends a sigura.

Relaciona cu potret cu a bay viral, unda tabata muestra un chubato riba e isla, tambe a

puntra na e mandatario si nan ta bay investiga con e mashin ey por a yega te e lugar en cuestion, pa loke minister Arends a declara cu e tin e mesun pregunta, mirando cu esaki ta un area protegi. “Den un area marino protegi y cu ta cay bao maneho di Parke Nacional, segun ROPV no por traha un pier. Nos tambe ta cuestiona con e mashin por a yega eynan y mi ta spera cu den poco tempo nos por tin claridad y asina cuminsa coregi con e procesonan aki ta encamina,” el a sigura.

Na november di aña pasa, e area aki a cuminsa forma parti di Convenio di Ramsar Area, bao e parti di Costa Zuid, cual ta un di e areanan cu mas biodiversidad. Status di Ramsar tin como meta pa proteha e areanan aki sin interveni cu actividadnan economico, enfatisando reduccion di daño y restauracion di naturalesa den caso di daño cu ta inevitabel.

Pa loke ta trata e construccion mes, Silva di FPNA a men-

ciona cu e desaroyador no a mishu cu e ruinan bieu cu ta di concreto, pero nan a kita esun cu ta di metal y nan a trece hopi saco di santo blanco, caminda dialuna mainta nan a basha full e santo blanco pa crea un beach.

“Nan a dañá e mangrove cora y esey tambe ta contra ley,” Silva a bisa. Tambe a agrega cu nan como fundacion ambiental, nan deber ta trek esaki y follow up tur cos cu e desaroyador no mag di haci. El a trece dilanti cu FPNA ta comprometi na e proteccion di e area importante aki – e unico area na Aruba unda ainda ta wak e ‘Poder di 3’ conecta na otro sanamente, esta e mangelnan, yerba di lama y e rifnan di coral – 3 diferente sistema ecologico crucial cu hunto ta provee un variedad di beneficio pa e ser humano y Aruba su medio ambiente.

Potretnan di e proyecto na ex-Isla di Oro ta cortesía di FPNA y un usuario di Facebook.



A pesar di evaluacion positivo pa Aruba,

Fitch Ratings ta pronostica un caida leve den crecimiento economico

Manera ta conoci, diaranson e compania di rating, Fitch Ratings ta revisa Aruba su perspectiva pa 'positivo' basa riba Aruba su economia y finanzas publico. E rapport di e compania ta detaya diferente punto clave cu nan ta usa y wak pa evalua e pais.

E compania ta elabora ariba e impulsornan clave di cualificacion cu a conduci na e reevaluacion di perspectiva positivo. E rapport ta splica cu e revision di e perspectiva pa positivo ta refleha e institucionalizacion mas grandi di e marco fiscal di Aruba, cu ta inclui e meta pa surplus fiscal en general y un punto di debe, a pesar di un historial cortico, un trayectoria di debe cu ta cay rapidamente, y crecimiento continuo dirigi pa sector turistico.

Nan ta remarca cu e puntuacion di Aruba ta sigui beneficia di e fuerte sosten institucional y financiero Hulandes como un miembro di Reino di Hulanda cu 'status aparte', demostra door di e sosten di likides urgente brinda durante e pandemia cu a ser refinancia recientemente pa un debe a largo plaso, manera tambe e standardnan fuerte di gobernacion y un entrada per capita halto.

Di otro banda, nan ta indica cu e puntuacionnan ta limita pa e debe publico, cu ainda ta halto y e carga di interes, y e vulnerabilidad di economia di un solo pilar pa shocknan externo.

Fitch ta resalta cu economia di Aruba ta sigui crece, cual ta dirigi pa e bon desempeño di e sector turistico, pero a modera despues di e recuperacion inicial for di e pandemia. Fitch ta calcula un crecimiento di 3% na 2023, bao di 10.5% na 2022. E yegada di turista ta sigui alcansa cifranan record nobo, cu yegada calcula na 2023 di 111% compara cu e nivelnan di 2019, y e ingreso y entrada turistico per camber disponible yegando 137% y 114% respectivamente den comparacion cu e nivelnan di 2019.

Fitch ta pronostica cu e crecimiento aki ta bay baha un poco na 2024-2025 (promedio 2.3%), pero lo keda riba e crecimiento potencial mientras algun hotel grandi nobo



habri, expandiendo cantidad di camber cu 10%. Un restriccion den e mercado laboral por frena e crecimiento y causa presion ariba salario.

Pa loko ta e meta fiscal incorpora den ley, e compania ta indica cu a actualisa e cuadro legal na december 2023 pa haci e meta di surplus fiscal en general y e punto di debe legalmente vinculante. E cambionan aki a keda aproba unanimamente, brindando prueba di e compromiso bipartidista na consolidacion fiscal y mas confiansa den institucionalizacion di e marco fiscal nobo.

Nan ta señala cu e metanan incorpora ta rekeri un surplus di 1% di GDP en general y punto di debe pa GDP di 70% pa 2031 y 50% pa 2040. Supervision fiscal ta sigui ser brinda bao di Colegio di Supervision Financiero di Aruba (CAft).

Den e rapport Fitch ta pronostica cu e balansa fiscal a mehora cu 2.8% na 2023 pa un surplus di 2% di GDP, superando e meta di 1%, impulsa den gran parti door di entrada for di BBO (belasting op bedrijfsomzet) na frontera, efectivo desde october 2023, y e aumento di e tarifa di belasting.

Nan ta indica cu BBO na frontera tambe a resulta den miho cumplimiento di belasting, generando dato adicional y ta crea un enlace entre e unidad di aduana y e departamento di belasting. Nan ta agrega cu crecimiento den e cuenta di salario di sector

publico a keda relativamente conteni y ta sigui cumpli cu 10% di GDP. "Gobernacion tin plan pa distribui entrada extra inespera riba e 1% di meta fiscal di GDP entre reduccion di debe y gastonan di capital mas halto.

Fitch ta sigui splica den e rapport cu nan ta pronostica un caida leve den e surplus fiscal den 2024 pa 1.6% di GDP y 1.1% na 2025, reflehando costo di interes mas halto despues di re-negociacion di e prestamo di sosten di likides di Hulanda. Sinembargo, nan ta spera cu e impacto lo ser mitiga pa medio di continua cu e desempeño fuerte di entrada y restriccion di gasto.

Tocante sosten financiero Hulandes, manera ta conoci Aruba a yega na un acuerdo cu Hulanda ariba e refinanciamiento di e prestamo di sosten di likides di e pandemia (15% di GDP) na october 2023. Aruba no a pasa un Ley di Reino riba supervision financiero, un di e condicionnan pa refinancia e prestamo na un tasa di interes mas faborabel.

A pesar di esaki, e debe a wordo converti den un prestamo di 20 año, cu un tasa di interes di 6.9%, resaltando e sosten considerable di Hulanda pa Aruba. E acuerdo ta laga e opcion habri pa baha e tasa di interes si e Gobierno di Aruba acorda ariba un Ley di Reino. E legislacion di supervision financiero local no ta dificil di diferencia for di e Ley di Reino. Un Ley di Reino ta un acuerdo entre Parlamentonan cu un partido no

por cambia unilateralmente.

Fitch ta calcula cu e debe di gobierno a baha pa 73.2% di GDP na 2023 riba base consolida pa Fitch (83% riba base no consolida incluyendo e debe di gobierno di APFA), a baha for di 80.2% di GDP na 2022 y un peak di pandemia di 99% na 2020 cual ainda ta mas halto cu e promedio di 'BB' di 52%.

Nan ta señala cu e caida rapido di debe a ser impulsa door di recuperacion di entrada, reduccion di gasto y e recuperacion continuo den GDP nominal. Nan ta agrega cu e surplus fiscal sosteni pa e fuerte desempeño di entrada for di BBO na frontera y miho cumplimiento di belasting ta sostene pronosticonan di Fitch pa debe baha te 64.4% na fin di 2025, den liña cu su pik prome cu pandemia na 2017. Interes pa entrada ta keda halto na 17.1% den 2023, compara cu e promedio di 'BB' di 9.6%, y ta spera cu e lo subi pa 19.2% na 2024.

Segun e rapport Fitch ta pronostica cu inflacion promedio a baha for di 5.5% na 2022 pa 3.5% na 2023, como e prijs di productonan importa y prijs di cuminda y combustible global a suavisa, y por baha mas leu te na 2% na 2025. Nan ta indica cu Banco Central a cuminsa relaha exigencianan di reservanan fuerte for di un pik di 25.5% pa 22%.

Nan ta señala cu e postura monetario rigido, sinembargo, tin impacto limita riba tarifanan di interes domes-

tico (relativamente stabiel alrededor di 6%) brinda pa e mecanismo di transmision monetario deficiente cu un cantidad chikito di bancan likido cu ta concuri pa clientenan mayormente riba tarifanan. E cambio fiha ta e punto di anker di politica clave di Aruba.

Ariba e tema di eleccionnan na 2025, Fitch ta indica cu a pesar cu eleccion mester tuma luga den juni 2025, e hecho cu e metanan fiscal a ser incorpora den leyman y a ser adopta unanimamente ta yuda sostene continuidad den politica fiscal sin importa e resultadonan.

Por ultimo, tocante gobernacion, Fitch ta splica cu Aruba tin un Puntuacion di Relevancia ESG (RS) di '5[+] & 5[+]'], respectivamente pa Stabilidad Politico y Derechonan y pa Regla di Ley, Calidad Institucional y Regulatorio y Control di Corupcion.

E puntuacionnan aki ta refleha e peso halto cu Indicador di Gobernacion di Banco Mundial (WBG) tin den e modelo propietario di Puntuacion di Soberano (SRM). Aruba tin un ranking halto di WBG na 84%, reflehando su historial largo di transicionnan politico stabiel y cu pas den transicionnan politico, derechonan estableci pa participacion den proceso politico, capacidad institucional fuerte, regla di ley efectivo y un nivel abou di corrupcion.

Por cuminsa campamento diadomingo 24 maart 2024 pa 12or di merdia



Mediante un publicacion haci pa Cuerpo Policial di Aruba, nan a informa cu mañan nan ta bay ta na diferente lugar, tanto di San Nicolas como Savaneta y Pos Chiquito, pa muestra esnan cu a haci nan peticion pa permiso e lugarnan unda mag di campamento.

Diasabra dia 16 di maart 2024, Polis di distrito di San Nicolas ta invita tur persona cu a haci nan peticion pa temporada di campamento pariba di brug, cu lo muestra nan e sitio cu nan lo campamento.

Lo cuminsa 9'or di mainta den e area di Santana di Cacho, despues pa Baby Beach, Rodgers Beach y por ultimo pa e area di Zwat Mangel y Grapefield. Pa 1'or di merdia lo sigui na Savaneta y Pos Chiquito.

Pa loko ta trata otro areanan manera Playa, nan tambe ta haci esaki segun vocero di Polis, Liliana Rasmijn a sigura, e campadornan tin bon comunicacion cu otronan y cu polis.

Diadomingo 24 di maart ta e dia oficial cu campamento ta cuminsa e aña aki na Aruba for di 12or di merdia y lo caba 7 di april, segun Cuerpo Polis a informa recientemente.

Relaciona cu temporada di Semana Santa halto comisario di Polis Sr. Ramon Arhem ta haci un yamada fuerte na campadornan pa tene cuenta cu e condicionnan bao di cual e permiso ta ser otorga.

E fecha riba cual e campadornan por cuminsa campamento ta diadomingo 24 maart 2024 pa 12or di merdia.

Loke ta nifica cu riba e fecha y ora stipula ta permiti pa pone trailernan y tentnan riba banda di e beachnan. Tur obheto cu ser poni prome cu e fecha y orario stipula lo ser kita pa polis.

E ultimo dia di campamento lo ta dia 7 april 2024.

Despues di campamento tur obheto mester ser kita for di beachnan. Si esaki no sucede, polis lo kita esakinan riba gasho di e campador.

Durante campamento percura pa tin tur informacion necesario:

- Seguridad
- First aid kit
- Control riba mucha menor di edad
- Seguridad durante e periodo aki.

Potret ta di KPA.

Preparacionnan pa celebracion di 18 di maart ta den full swing



Dialuna Aruba ta celebra su dia nacional 18 di maart, Dia di Himno y Bandera. Un celebracion cu tur aña ta trece cune un cantidad di festividad y actividadnan rond di e isla.

Manera ta custumber, pueblo completo ta sali riba caya pa acudi, presencia y disfruta di e evento-, actividad- y celebracionnan cu tin full rond Aruba den e dianan di celebracion di 18 di maart.

E festividadnan ta ranca sali diadomingo anochi, 17 di maart, cu e manifestacion cultural cu ta tuma lugar riba Plaza Libertador Betico Croes.

Durante e manifestacion cultural, ciudadanonan por disfruta di un anochi yen di ambiente, baile, musica, cuminda y cultura di Aruba. Ya caba e preparacionnan ta andando pa transforma Plaza Betico pa e gran evento aki.

Riba escenario di Plaza Betico cantantenan, gruponan musical y gruponan di baile lo haci diferente presentacion.

tambe ta den preparacion pa subi escenario y presenta dos baile cultural.

Directora di e grupo, Debra Boekhoudt, ta conta cu 18 di maart ta un di e fechanan mas importante riba kalender di e grupo.

“Tur aña nos ta look forward pa 18 di maart. Nos ta prepara pa baila diferente baile, diferente caminda. E muchanan gusta baila riba Plaza Betico. Pa nan e ta un presentacion importante y e aña aki cu nos tin e oportunidad pa baila atrobe nan ta train hopi duro y nan ta hopi entusiasma,” el a bisa.

Manera Kids and Youth in Action, diferente otro grupo tambe ta prepara no solamente pa presenta durante e manifestacion cultural, pero tambe pa representa nan grupo durante e acto protocolario dia 18 di maart mainta. “E acto protocolario tambe ta hopi importante pa nos. Desfila dilanti tur e ministernan y su excelencia Gobernador ta algo hopi bunita y emocionante pa e muchanan. E aña tambe nos ta participa den e desfile di acto protocolario y e muchanan ta hopi entusiasma,” Boekhoudt a remarca.

Kids and Youth in Action



CARIBBEAN SPEED PRINTERS N.V.



TA ANUNCIA

Relaciona cu celebracion di dia di Himno y Bandera

Ta participa cu **NO** lo tin edicion regular di Bon Dia y Aruba Today riba dialuna 18 di maart, 2024.

Pa e motibo aki ta haci un suplica na tur esunnan cu ta desea di publica aviso den Bon Dia y Aruba Today pa diamars 19 di maart pa por favor entrega esaki no mas laat cu **diabierna 15 di maart** of sino via email: aviso@bondia.com prome cu 5 or di atardi

Gerencia

Feliz dia di Himno & Bandera



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta
sulaika.croes@cspnv.com

Sulaika Croes

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Innovacion den Democracia: AI Factcheckers & Blockchain

Recientemente nos ta wak hopi publicacionnan den diferente medianan cu temanan importante politico. Tambe nos ta drentando e temporada di campaña politico. Pa nos democracia funciona na un nivel adecua y pa pueblo por eligi nan representantenan na un manera bon funda ta importante pa full Aruba tin acceso na:

1. Kico a wordo bisa precies y na ki momento y dor di ken?
2. Un declaracion cu un candidato a haci ta klop cu logica of referencianan adecua cientifico, of cu reportahe/fuentenan di calidad?

Blockchain: Un database publico y permanente di declaracionnan politico.

Pa e prome punto di tin un database cu no por wordo manipula of cambia y cu ta permanente y abierto. Por usa tecnologia "Blockchain". Por ehempel si un Gobernante of candidato politico haci un declaracion oficial riba 14 di maart 2024, esaki lo

por wordo "gesave" riba un blockchain publico letter-pa-letter. E tecnologia di Blockchain ta bin cu e bentaha cu e no por wordo manipula despues/achteraf. Dus ora un declaracion oficial wordo poni riba e blockchain, esaki lo keda den su forma puro (letter pa letter), cu e tempo y fecha precies cu el a wordo gesave riba e Blockchain. Cu un herment asina niun hende por bisa achteraf "Mi no sa nada di esaki" of "Mi no a bisa esaki" etc. Cu un database di Blockchain publico full pueblo lo tin acceso na tur e declaracionnan oficial cu politiconan na Aruba lo haci, cu lo ta un base pa forma opinionnan husto den tempo di eleccion.

AI "Factcheckers":

Awo e parti mas cardinal ainda, ta pa crea un herment di traduccion for di Papiamento pa Ingles di calidad halto. Pa asina durante campaña of debatenan politico publico of tambe cu declaracionnan haci den pasado. Tin data cu por wordo manda na e diferente "Factcheckers" basa riba Inteligencia Artificial cu

por den forma automatiza, di calidad halto y rapidamente wak simplemente si un declaracion haci dor di un politico ta "berdad" y si e ta basa riba fuentenan of pensamentonan "logico" of di un calidad adecua.

Tin diferente herment cu por wordo usa pa cu esaki. Esunnan mas basico y conoci ta GPT3.5 y GPT4. Experimentonan usando PolitiFact database ta indica cu e modelonan basico aki ya caba por wak cu 90% precision si un declaracion ta "berdad".

Awo e modelonan segun e datonan di mas recien ta muestra cu e AI LLMs esta LLAMA 7B y LLAMA 70B ta esunnan mas specialisa den por evalua declaracionnan politico.

Den 2025, e lo ta esencial pa full pueblo di Aruba tin acceso na un database abierto cu tur declaracionnan cu a wordo haci dor di candidatonan. Tambe cu programanan di campaña wordo evalua dor di un AI neutral riba e hechonan y tambe si e fuentenan cual e programa di partido ta basa riba dje ta uno logico y di calidad. En fin tambe ta sumamente importante pa tin un factcheck sistema den luga pa ora tin debatenan publico of declaracionnan grandi, pa tambe evalua si esakinan ta berdad y logico.





Asina so nos pueblo por eligi nan futuro representantenan na un manera adecua y cu bon fundeshi pa asina nos tur hiba Aruba dilanti.

Prompt: You're a fact-checking expert. Evaluate the truthfulness of this statement: 'Says Bernie Sanders "only had 3,444 votes" in Nevada,' made by Viral image on 3/6/2020. Use Google for research. Consider your sources, context, and date while assessing. To answer return 'Final Answer: {verdict}, {reason}'. You must respond with a valid verdict ('pants-fire', 'false', 'mostly-false', 'half-true', 'mostly-true', or 'true') or 'uncertain', providing reasoning and citing sources by providing the domain of pertinent search results.

Google: Bernie Sanders Nevada 2020 votes count

1. nytimes.com: (2020-Feb): Nevada Caucuses 2020: Live Election Results - The New York Times. Feb 22, 2020 ...
2. nbcnews.com: Sanders wins Nevada Democratic caucuses with wave of young and ...
3. nytimes.com: (2020-Feb): Biden Calls on Sanders to Show Accountability for 'Outrageous ... Feb 16, 2020
4. vox.com: (2020-Feb): Nevada caucus results: 3 winners and 2 losers - Vox. Feb 22, 2020
5. washingtonpost.com: 2020 Nevada Caucuses Live Election Results | The Washington Post. Feb 24, 2020 ... 2020 Nevada Democratic presidential caucuses ; Bernie Sanders, 6,788, 46.8 ; Joe Biden, 2,927, 20.2 ; Pete Buttigieg, 2,073 ...
6. theintercept.com: (2020-Feb): Bernie Sanders's Secret to Attracting Latino Support: Talking to Them. Feb 20, 2020
7. pbs.org: (2020-Feb): Bloomberg qualifies for debate, Sanders leads ahead of Nevada
8. wikipedia.org: 2020 Nevada Democratic presidential caucuses - Wikipedia.
9. politico.com: Iowa Election Results 2020 | Live Map Updates | Voting by County
10. tufts.edu: (2020-Feb): Exclusive Analysis: In Nevada, young people once again force

Final Answer: False, Bernie Sanders received more than 3,444 votes in the Nevada Democratic presidential caucuses according to The Washington Post.



AWE



Awo cu 2 florin mas, bo por gana e

*** Afl. 370.000,-**

*** Afl. 270.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO



CMO atendiendo cu kehonan ricibi di habitantenan di Sero Tijshi

Investigacion ta andando

Desde cu habitantenan y vecindario di Sero Tijshi a entrega varios keho cerca Prome Minister Evelyn Wever-Croes, tumando cada keho y preocupacion di ciudadanonan na serio, Prome Minister a instrui Crisis Management Office (CMO) pa cuminsa cu un investigacion di inmediato.

Ya pa algun tempo caba, CMO a cuminsa cu e investigacion y a reuni cu e habi-

tantenan y a scucha tur nan preocupacion di e situacion cu lo ta strobando y causa daño specialmente door di e holor malo.

Den number di Prome Minister di Aruba, CMO ta atendiendo e situacion aki cu actualmente ainda ta bao di investigacion. Proximamente, CMO lo tin resultado cla di e investigacion pa asina sigui cu e procedura corespondiente, segun un comunicado di gobierno.



Minister Geoffrey Wever:

Trabaonan di restauracion di Cas Veneranda den centro di Oranjestad a start

“Cas Veneranda ta un di e edificacionan mas iconico di Aruba y semper a duel mi cu e tabata den deterioro. Ora mi a bira Minister di Economia, e restauracion di Cas Veneranda tabata un di nos

prome proyectonan. Mi vision ‘from day one’ tabata pa crea e sinergia necesario pa subi cantidad di persona cu ta frecuente den Oranjestad, y cu esaki, e restauracion di Cas Veneranda tabata un di



e puntonan focal. Sinembargo, pa realisa esaki no tabata facil,” segun minister Geoffrey Wever.

Ministerio di Economia a asigna fondo for di su mesun presupuesto pa inverti den e proyecto aki, y lo logra reubica e Departamento di Asunto Economico pa Cas Veneranda. E paso aki a haci e restauracion posibel. “Mi ta hopi contento cu despues di henter e esfuerso di e ultimo dos añanan awe nos por bisa cu e restauracion di Cas Veneranda ta cuminsa,” segun Wever. E renobacion ta refleha e dedicacion di ministerio di Economia, Comunicacion y Desaroyo Sostenibel pa inverti den centro di Oranjestad.

Renobacion di Cas Veneranda lo brinda no solamente espacio nobo pa oficina pero tambe lo ta ekipa cu panelnan solar pa reduci e gastonan mensual di coriente, aire condiciona eficiente y




insulacion— tur esakinan necesario pa transforma e edificio den uno mas sostenibel y “environmentally friendly” posibel. Adicionalmente, lo tin un espacio pa huur pa un restaurant, y tambe lo tin area pa reunion y conferencia.

Durante ultimo lunanan, trabonan preparativo a ser checuta den preparacion pa e restauracion, poniendo gran enfasis riba conservacion di e integridad structural y e balor historico di e edificio.

Minister Wever ta subraya cu e reubicacion di e departamentonan di gobierno pa e centro di Oranjestad ta un di e strategicnan pa yuda atrae mas bishitante durante oranan di oficina,

y di e manera aki, ta beneficia e establecimentonan comercial den e bisindario tambe. Durante su discurso, Minister di Asunto Economico, Comunicacion y Desaroyo Sostenibel, Sr. Geoffrey Wever, a enfatisa cu e proyecto aki ta un paso importante den e plan di revitalisacion di Oranjestad.





TRABOU DI MANTENCION NA SAN NICOLAS
Interupcion di Coriente

En conexion cu trabounan necesario, coriente lo wordo interumpi:

Diamars, 19 di maart 2024
8:30 AM te cu 4:00 PM


Den vecindario di:

• Arnhemstraat	• Caya Velp
• Caya Boxmeer	• Comachestraat
• Caya Haarlem	• Weg Rooi Congo
• Caya Jose Geerman	• Zwollestraat
• Caya Tilburg	• S.A.B.A. te Palisiaweg
• Caya Valkenburg	• EPB San Nicolas

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



Hulanda:

Brote di sarampi ta afecta scolnan na Eindhoven

(NLTimes)—Un brote di sarampi ta actualmente na caminda den Eindhoven y e area rondona, segun Gemeentelijke Gezondheidsdiensten (GGD) a bisa diahuebs. E servicio a ricibi reportahenan di aproximadamente 14 mucha cu un edad averahe di 5 aña cu a contrata e malesa contagioso. Un adulto tambe a ser infecta. Tres scol den e region tin mas cu un mucha cu sarampi.



E directivanan di scol y mayornan a ser informa, pero GGD no kier a bisa cua scol ta involvi. E servicio di salud tampoco no ta kere cu ta den interes publico pa revela e localidad di e scolnan. GGD no kier a bisa tampoco si tin un conexion entre e adulto infecta y cualkier di e muchanan. Mayoria caso a ser iden-

tifica den e ultimo dies dia. Algun pashent ta rumannan di otro. Ningun di e pashentnan tabata vacuna, aunke e motibo di esaki no ta conoci, e departamento di salud a reporta. Algun di nan a bira hopi malo, pero no ta den peligro mortal. E prome infeccion a ser reporta den februari, y hopi di e pashentnan a recupera caba.

A nota cu e cantidad di infeccionnan por sigui crece. “Ta

tuma un averahe di aproximadamente dies dia prome cu un hende desaroya sintomanan, pero bo por infecta otro prome cu bo tin kehonan. Bo por ta bon na scol awe, pero si bo bira malo mañan, bo tabata contagioso awe.”

Ademas, sarampi ta plama mas lihe. Por mira e contagiosidad den e reproduccion di e virus, cual ta muestra cos lihe un virus por plama. Un

figura di 1.0 ta representa cu cada persona contagioso ta infecta un otro individual. “Cu coronavirus nos a papia tocante un number di 1.5. E number di reproduccion di sarampi den hende no vacuna ta 15.” Pues, 100 hende contagioso por infecta 1,500 hende cu no a haya vacuna.

E virus cu ta causa sarampi tin tempo ta circulando den otro paisnan Europeo. Varios miles di caso a reporta na Austria, Liechtenstein y Rumania aña pasa. E European Centre for Disease Prevention and Control recientemente a adverti cu e cantidad di infeccion tin chens pa aumenta.

Sintomanan di sarampi ta inclui kehonan manera keintu-

ra, verkoudheid y tosamento. Hendenan infecta usualmente tambe tin wowonan inflama. Despues di tres pa shete dia, marcanan ta aparece riba e cuero. “E marcanan aki ta aparece prome tras di horea y despues ta plama riba henter e curpa,” GGD Brabant-Zuidoost a describi. Sintomanan ta keda relativamente leve, pero tin biaha e malesa por bira hopi serio. “Den casonan serio, un hende ta haya neumonia of encefalitis,” e Rijksinstituut voor Volksgezondheid en Milieu (RIVM) a splica. Den casonan excepcional, sarampi ta mortal. Segun RIVM, aproximadamente un den 1,000 caso na Hulanda ta mortal.

AZV ta informa:

Entrante 1 di april 2024 proveedor nobo pa material di incontinencia

Bou di tratamiento medico ta inclui materialnan di cuida cu ta necesario pa e aseguradonan por hiba un bida mas normal y saludabel cu ta posibel. Despues di e proceso di destaho publico, Organo Ehecutivo AZV (OE AZV) ta informa tur su aseguradonan cu ta usuario di material di incontinencia (pull ups, kathethers, etc), cu entrante 1 di april 2024 tin un proveedor nobo y esaki ta bira Visser Trading.

OE AZV ta haci uzo di e oportunidad pa gradici Martijn Trading kende e ultimo añanan tabata e proveedor y a duna servicio na e grupo di aseguradonan aki cu tabata alrededor di 2600 persona. Yegando final di nan contracto, Martijn Trading lo haci su maximo esfuerso pa un traspaso tranquil y entregamento di e material manera custumber (of cu ainda falta) na e aseguradonan di AZV. Pa cu esaki ta pidi pasenshi di parti di e aseguradonan ya cu tabata tin poco con-

tratiempo cu e yegada di e material for di exterior, sin embargo Martijn Trading ta haciendo su maximo esfuerso pa cumpli cu cada asegurado.

Bon bini

Visser Trading desde 1 di april lo keda encarga cu e entregamento di e material di incontinencia. Nan mes lo comunica cu e grupo di asegurado. OE AZV ta pidi cada asegurado -usuario di material di incontinencia- pa tuma nota di e cambio importante aki y duna oportunidad na Visser Trading pa cumpli cu nan tarea nobo aki.

Contacto

Pa e aseguradonan cu tin pregunta of kier haya mas informacion, por tuma contacto cu: Visser Trading, Italiëstraat 24, Oranjestad, persona di contacto ta señor Raymbert de Kort na e-mail rdekort@visserpharma.com of telefon 585-0101 (WhatsApp).



INSTA CASH

WEGA NOBO

WIN UP TO AFL 15.000

HOW TO PLAY
When any of YOUR NUMBERS match any WINNING NUMBERS, you win a prize of your choice.

YOUR NUMBERS

20	18	29
9	14	6
2	7	21
19	6	15
24	1X	30

WINNING NUMBERS

13 6 17 12 26 23 16

Match cualkier di bo numbertan cu e numbertan ganado y gana e premio cu ta ilustra bou di e suma cu bo a match.

GANANA TE CU AFL. 15.000 DI BIAHA!

LOTO
Cambiando Bida

www.lottoaruba.com

Corsou:

SER ta conseha riba beneficio fiscal pa sector di wegá di placa online

Conseho Social Económico (SER) a emiti un conseho na minister di Finanzas Sr. mr. drs. Javier Sylvania riba diaranson 13 di maart ultimo, tocante un concepto di un decreto gubernamental pa revisa e ordenansa nacional di facilidadnan fiscal pa inversionnan (LBI). E iniciativa aki, impulso pa e minister, y motiva pa e necesidad di diversificacion económico y estimulacion di inversion, ta propone pa inclui e sector di wegá di placa online den e cuadro di incentivo fiscal di LBI.



E concepto di e decreto gubernamental ta resalta e potencial di “wegá di placa online” pa contribui na crecimiento económico di Corsou y bienestar general, den

concordancia cu documentonan di maneho nacional strategico. E paso aki por, no solamente atrae inversionnan nobo, sino tambe fortifica e sector económico existente y influencia positivamente e dinamica socioeconómico di e isla.

Recientemente, SER, e organo tripartiet di consulta, cu ta conseha tanto gobierno como Parlamento di Corsou, a haci varios recomendacion importante tocante ley y regulacion propone pa e sector di wegá di placa online.

Skepticismo ta surgi entre fraccionnan parlamentario Hulandes tocante acuerdo di impuesto Corsou-Malta



(CuracaoChronicle)— Skepticismo significativo a surgi entre fraccionnan parlamentario di NSC, PVV y VVD pa loke ta trata e deseo di gobierno Curaçoleño pa finalisa un trato di impuesto cu e Repub-

lica di Malta. Evaluando e efecto di e trato riba relacionnan económico legal, a señala preocupacionnan tocante su insignificancia y posibel beneficiacion, particularmente cu e sector di wegá di placa internacional.

Miembronan di e fraccion NSC ta cuestiona si e trato en berdad ta traha caminda pa ganashi for di operadornan di wegá di placa remote, operando globalmente, incluyendo dentro di Hulanda, pa ta colaborando cu com-

pania- y individualnan den tercer paisnan. Ademas, nan ta cuestiona si e trato por ser malusa pa facilita e transferencia di fondo via Malta y/of Corsou pa otro paisnan, incluyendo esnan den Sur America.

Mientras tanto, e fraccion di PVV ta buscando claridad riba e esfuersonan di Malta pa combati evitacion di impuesto, specialmente considerando reportahenan anterior subrayando Malta como un destinacion pa practicanan asina. E posibel consecuen-

an pa Corsou tambe ta di interes pa PVV.

Expresando preocupacionnan similar, VVD ta enfatisa cu e version preliminar di e trato ta falta e cumplimiento di e standardnan minimo di BEPS diseña pa curva forman agresivo di evitacion di impuesto.

E critica aki ta subraya detencionnan mas amplio dentro di e circulonnan den parlamentario Hulandes relacionando na e consecuenan di e trato di impuesto proponi entre Corsou y Malta.

Limita studiantenan internacional di ciencia económico y negoshi lo costa economia Hulandes miyones

(NLTimes)—Studiantenan internacional di ciencia económico y negoshi ta contribui mas na e economia Hulandes cu loke nan ta costa. Pa limita nan lo costa e economia miyones, De Telegraaf ta reporta for di un estudio pa SEO Economic Research.

Segun e estudio, graduadonan internacional cu ta keda den Hulanda ta genera mas impuesto y mas ganashi premium. Esakinan ta mas grandi compara cu e costonan di nan uso di cuidu medico, siguridad social, subsidionan y financiamiento educacional.

Pa para completamente cu e entrada di studiantenan in-

ternacional den ciencia económico y empresa lo costa e tesorera entre 7.8 y 67.4 miyon euro pa aña. Hasta un escenario menos radical lo ta caro, investigadonan a bisa. Por ehempel, un reduccion di 20% di e studiantenan aki por costa e economia entre 1.56 y 13.48 miyon euro. Si 20% menos estudiante di master's internacional inscribi, e costo total lo ta entre 19.2 y 86.8 miyon euro.

Aproximadamente un tercer di tur estudiante di ciencia económico y empresa den universidadnan Hulandes ta di afo. Minister di Educacion Robbert Dijkgraaf ta trahando riba un legislacion, e Internationalization in Balance Act, pa limita e entrada

di studiantenan internacional. Universidadnan tambe ta tumando medida. Y e intervencionnan aki ya caba tin su efecto e cantidad di studiantenan internacional a reduci un tiki e aña aki pa prome biaha den añas.

Den e estudio di SEO, decenas di compania a trece nan preocupacion dilanti tocante e medidanan cu e universidadnan Hulandes ta tumando contra internacionalisacion. Studiantenan ta crucialnan sobrevivencia, nan a bisa. Un di e companianan aki ta ASML, cual ya caba a menasa pa inverti pafo di Hulanda si e no por recluta talento internacional eynan.

E investigadonan di SEO



tambe a conclui cu menos estudiante internacional lo tin tiki efecto riba prijsnan di cas na Hulanda. E deficit- y listanan di espera pa estudiante ta mas limita cu esnan pa vivienda social, por ehempel. Ademas, studiantenan tin diferente necesidadnan di vivienda compara cu fami-

anan, por ehempel. Balakrishnan Rajagopal, un ponente special di Nacionnan Uni riba vivienda adecua, tambe a reporta ricien cu decadanan di politica gubernamental ta e causa di e deficit di vivienda, no estudiante internacional, trahadonan migrante y refugiadonan.

Parlamentarionan di Union Europeo ta sospecha cu Marcel de Graaff di FvD ta conspirando cu Rusia

(NLTimes)—E parlamentarionan di Union Europeo mester investiga si parlamentarionan Hulandes di partido FvD Marcel de Graaff ta conspirando cu Rusia, segun varios di su coleganan. Nan a bisa cu nan tabata sorprendi pa e “agenda Ruso” cu de Graaf supuestamente a comparti.

E parlamentarionan Europeo, incluyendo miembro di VVD Catharina Rinzeema, lo puntra e presidente di par-

lamento Europeo Roberta Metsola pa expande e investigacion andante di e curpa den influencia for di Rusia. Actualmente esaki ta enfoca riba e parlamentarionan di Latvia Tatjana Zdanoka.

De Graaf a defende Rusia pa algun tempo caba, pero el a causa rabia entre su coleganan despues cu el a haci algun declaracion diaranson durante reunionnan den Strasbourg. El a yama e reportahenan tocante e deportacion di muchanan Ucrainiano



“puro propaganda” y a bisa cu Rusia eigenlijk ta salbandando nan di bombardeo.

Parlamentarionan no por permiti “mentiranan obvio” asina, y no por ignora esaki-

nan tampoco, manera Rinzeema y su siguidonan ta pensa. Rinzeema y su coleganan Rasa Juknevičienė di Lithuania y Hilde Vautmans di Belgica actualmente ta buscando e sosten di otro parlamentarionan pa nan peticion pa un investigacion mas amplio.

E investigacion den Zdanoka mester ser expande, nan a skirbi den un carta pa Metsola. E mester enfoca awo riba e diseminacion di propaganda Ruso den henter e parlamento.

Wilders ta keha tocante proceso “inhusto” preveniendo e di bira prome minister Hulandes



Wilders a bisa cu ultimamente e mester scoge entre luchando pa bira prome minister—“Pa cual hopi hende a vota y tambe ta anticipa, y mi ta mesun rabia cu nan”—y haciendo e concesion aki pa asina e negociacionnan por continua. E lider di PVV a bisa cu ultimamente el a dicidi pa acepta e decepcion aki den interes nacional, “no importa con hopi e ta haci dolor y con

inhusto mi ta hay’e y con constitucionalmente incorrecto e ta.”

Diaranson, a bira claro cu e lidernan di partido tin e intencion pa keda den parlamento y no tuma posicion den e gabinete. Segun NOS, e lidernan di VVD, NSC y BBB a bisa cu esaki tabata e unico manera cu nan lo ta dispuesto pa continua e discusionnan di formacion.

Wilders mes a confirma cu e no lo bira prome minister riba X. “E amor pa mi pais y votadonan ta grandi y mas importante cu mi mesun posicion,” el a skirbi, hunto cu promesanan pa pone e pueblo Hulandes prome y reduci e cantidad di hende buscando asilo den Hulanda. Putters a reuniendo cu e lidernan di e cuatro partido pa e ultimo biaha diahuebs prome cu

presenta su rapport riba e ronda di discusionnan aki na parlamento awo. Diamars, Putters a bisa cu PVV, VVD, NSC y BBB ta cla pa tuma e proximo stap den e proceso di formacion di gabinete. Ta anticipa cu e cuatro partidonan lo cuminsa negocia e terminonan pa un gabinete extra-parlamentario.

(NLTimes)—Un dia despues di a bisa cu e no lo purba bira e proximo prome minister Hulandes, lider derechista di PVV Geert Wilders a bisa cu e tabata “inhusto” y “constitucionalmente incorrecto” cu su posibel partnernan di coalicion den gabinete a neng’e e oportunidad.

Wilders a subraya cu e tabata e lider di e partido mas grandi despues di e eleccionnan parlamentario. “Pues mi ta kere tambe cu mi mester bira prome minister. Tambe mi a bisa na mesa di negociacion cu mi ta kere e mester ta ami,” e politico a bisa prome cu reuni cu e lider di formacion di gabinete Kim Putters y e lidernan di VVD, NSC y BBB diahuebs. “Pero bo mester apoyo for di tur partido pa esey.”

E lider di PVV a bisa cu el a haya sosten solamente for di e lider di BBB Caroline van der Plas pa bira prome minister. “Un otro partido” a bisa cu nan ta prefera di no tin Wilders como prome minister pero e no lo ta un “deal-breaker”, Wilders a bisa. E no a elabora riba esaki, pero segun NOS, tabata claro cu NSC tabata e partido cu a blokia su oportunidad.

We are looking for an: **ERP/ICT CONSULTANT**

Can you implement **ERP systems** and you have knowledge of **business administration**?
Then join our team!

Since 1992 VCC leads as software distributor in Aruba and the Dutch Caribbean with an extensive portfolio of software and clients.

Pre:

- Experience in Exact Globe +/ Microsoft 365 Business Central/ Odoo.
- Experience in software development (MS-SQL), Python, VBScript, C++.

We offer:

- Competitive salaries and benefits.
- Dynamic team.
- Interesting clientele both local and international.

Please send your CV and cover letter to: jane@vcc-int.com. For more info call +297 583-7072.



VCC
International NV

**REAL SOFTWARE
REAL SUPPORT**

www.vcc-int.com

Ciudad di Rosario a bira e ciudad mas peligroso di Argentina

(BBC) – Ciudad di Rosario ubica na 300 kilometer di Buenos Aires, na provincia di Santa Fe, ta e di tres ciudad mas grandi di Argentina y durante decadanan tabata conoci pa ta e cuna di algun figuran mas destaca di historia di Argentina, awor ta conoci como esun di mas peligroso na e pais.

Violencia a aumenta den ultimo dianan cu asesinato di un hoben trahado di un stacion di gasolin, dos taxista y un chauffeur di bus, tur di nan a muri door di tironan causa pa sicarianan.

Tin varios rapport cu ta muestra cu Rosario tin e tasa mayor di homicidio na Argentina. Na 2023, Centro di Estudio-nan Latinoamericano riba Inseguridad y Violencia di Universidad Tres de Febrero a determina cu na 2020 tabatin 16,4 persona asesina pa cada 100.000 habitante.

Ta trata di un cifra superior na esun di Buenos Aires, Villa del Retiro, na unda e number di mortonan violento tabata di 12,9 e mesun año.

Segun Observatorio di Segu-



ridad di empresa Verisure, den ultimo año Rosario tambe tabata e ciudad cu mas hechonan di delincuencia a registra na e pais.

Tras di e lamentabel cifranan aki, ta sconde un delito cu a converti e bida di e habitantenan den un nightmare, narcotrafico.

Segun e periodista di La Nacion, German de los Santos, Rosario tin “un tasa di homicidio cuatro biaha mayor cu e promedio nacional” debi

na “lucha entre gruponan pa control di trafico di droganan na e ciudad.”

Un negoshi violento di e dealernan genera pa e hecho cu Rosario ta e waf principal agro-exportado di Argentina, ta strategicamente ubica den un di e principal canal di transporte na e pais. Hidrovia Paraguay-Parana, cu ademá di transporta soya y otro productonan, tambe ta utiliza pa contrabanda droga, den particular cocaina, cu destino

Europa y Oceania.

“Tin mas di 20 waf den area, loke ta converti Rosario den un ciudad unda droga por circula facilmente. Esey a haci impulso pa e lucha di control di trafico pa benta interno,” De los Santos a señala.

Pero su ubicacion no ta e unico motibo cu ta splica di pakico Rosario tin un problema cu narcotrafico hopi mas grave cu otro ciudadnan Argentino, incluyendo e bari-onan mas pover di provincia

di Buenos Aires, e zona cu mas poblacion na e pais.

Segun e periodista di e coran Clarin, Virginia Messi, tampoco esey ta debi na “volumen di droga cu ta move riba cayan.”

Pa Messi, Rosario ta “un anomalia narco” debi na “violencia extremo” cu esnan cu ta den microtrafico ta cherce y e “descontrol” cu ta existi, “cu mas di 30 grupo” operando y extorsionando, maske nan lidernan ta deteni.

Mientras tanto, Rosario a cay den un “bataya caotico” territorial entre e gruponan aki, cu apoya pa organisacionnan grandi ta lucha pa controla un bario of un zona puntual pa microtrafico, segun un investigacion haci pa Ministerio Publico di Santa Fe a haci na 2022.

E enfrentamentonan aki ta loke a multiplica e mortonan, segun e rapport ta indica.

Debi na e ultimo sucesonan, gobierno nacional a pone den marcha un comite di crisis y a anuncia cu lo manda Forsan-an Arma pa Rosario pa duna nan sosten logistico y tactico di tur forsa federal cu ta operando caba.

Hues ta admiti acusacion contra ex-presidente di Paraguay, Mario Abdo Benitez

(EFE) – Ayera diahuebs un hues di Paraguay a admiti e acusacion contra ex-presidente Mario Abdo Benitez (2018-2023) ademá di ocho funcionario di su gestion y a anuncia cu ta bay solicita na Camara Alta e desafuero di e dirigente politico, ken ta un senador vitalicio pa e funcion cu el a tene di a

lidera Ehecutivo.

Den declaracion pa prensa, hues penal di garantia Cynthia Lovera a sigura cu, despues di analisis “a ricibi e acta di imputacion presenta pa agentenan fiscal y ta cuminsa e procedemento penal.” Lovera a splica cu a fiha audiencianan di imposicion di medidanan pa shete ex-fun-

cionario.

Otro caso tabata pa e ex-gobernante y secretario priva di Benitez y awor diputado oficialista Mauricio Espinola, ken pa su persona lo mester manda na Congreso e solicitud di desafuero, cu base na articulo 191 di Constitucion Nacional, prome cu lo sigui cu e causa.

Secretario general di Congreso, Antonio Sanchez a confirma na periodistanan cu Legislativo a ricibi caba e solicitud di retiro di desafuero di Abdo Benitez y Espinola. Sanchez a indica cu den un proximo reunion di camara ta bay haci e pedido, cu despues lo pasa na analisis di Comision di Asuntonan Constitucional, di Defensa Nacional y Forsa Publico.

Constitucion Paraguayo ta establece cu e Camara respectivo, “ta bay examina” e documentonan cu hues a manda y cu e mayoria di dos tercio di votonan, lo resolve si ta apoya of no e desafuero. Ademá e hues a fiha 11 di september como e fecha den cual fiscalnan lo mester presenta “rekerimento di conclusionnan” pa etapa di pre-



paracion, cu por ta den contra of na favor di e acusadonan.

E imputacion ta forma parti di un investigacion habri pa Fiscalia General debi na un denuncia presenta na juli 2023 pa ex-mandatario Horacio Cartes, ken a declara su mes como victima for di 2018 di un “presunto persecusion” di parti di “personan den ehercicio di poder politico” y despues a amplia su acusacion advertiendo riba un supuesto “revelacion di secretonan di servicio” y di un plan crea for di organonan di e Gobierno anterior.

E acusacion presenta pa fiscalnan Aldo Cantero Colman y Giovanni Grisetti “despues di haya suficiente elementonan di conviccion cu ta haci sospecha e existencia di

hecho castigabel” di revelacion di secretonan di servicio, revelacion di secretonan priva pa funcionarianan of personanan cu obligacion special, influencia un persona bao su funcion pa comete un hecho castigabel, usurpacion di funcionnan publico y asociacion criminal.

Tambe e acusacionnan ta cay riba ex-minister di Interior Arnaldo Giuzzio, ex-titular di Secretaria Nacional Anticorupcion (Senac) Rene Fernandez y su colega di Secretaria di Prevencion di Labamento di Placa of Bienes (Seprelad) Carlos Adolfo Arregui y ex-vice-minister di e entidad ey, Carmen Pereira, asina como tambe otro tres funcionario.



BEKENDMAKING

Bij vonnis van 12 maart 2024 van het Gerecht in Eerste Aanleg van Aruba is de naamloze vennootschap **SHAILIN PAVERS, DEVELOPERS & SERVICES N.V.** in staat van faillissement verklaard, met aanstelling van mr. J.M. de Cuba tot curator en benoeming van mr. A.H.M. van de Leur tot rechter-commissaris.

Schuldeisers van de gefailleerde vennootschap worden verzocht om hun vorderingen, gestaafd door bescheiden, onder vermelding van eventuele voorrechten ter verificatie in te dienen bij de curator.

De curator,
Mr. J.M. de Cuba
De Cuba Ormel Noordhuizen Attorneys at Law
Caya Ernesto O. Petronia 62
Oranjestad, Aruba
T. 583 8144
F. 583 8145
jeannot@dconlaw.com

Ariel Henry ta frena e avance di solucion pa e crisis na Haiti

(DiarioLibre) - Oranan despues di e designacion di Michel Patrick Boisvert, como esun responsable di e administracion diario na Haiti y e anuncio di posible miembronan di e Consejo Presidencial di Transicion, diaranson, e renunciante prome minister Ariel Henry a bisa cu solamente e por nombra e integrantes di e organismo, pa transferi e poder.

Cu su declaracion, Henry, ken a admiti dialuna ultimo, despues di un reunion di alto nivel di e Comunidad di Caribe (Caricom), den cual a yega na e acuerdo pa crea e Consejo Presidencial, pa organisa e eleccionnan y stabilisa e pais, ta duna marcha atras na su renuncia.

Segun declaracionnan publica pa e cadena di noticia, CNN, Henry a frena e speranza di un resolucion rapido ora cu el a afirma cu "solamente e por aproba e miembronan di e Consejo."


Un asesor a revela cu Henry no simplemente ta bay entre-



ga e pais na lidernan nobo sin sigui e proceso adecua, CNN a indica.

E consejo di transicion proponi lo ta integra pa shete lider di henter e sociedad Haitiano, incluyendo representantenan di e ambito politico, civil y religioso.

Un comunicado di e Departamento di Estado di Merca a informa diaranson cu e minister di Economia y Finanzas, Michel Patrick Boisvert, a keda scogi pa conduci e administracion diario na Haiti mientras Henry ta afo di e



pais, a informa.

Den declaracionnan atribui na un alto funcionario di e entidad ey, ta indica tambe cu e minister interino a manifesta su boluntad di facilita e transferencia ordena di funcionnan na un prome minister nobo y gabinete un bes cu e consejo presidencial nombra e personanan ey.

"Nos ta den contacto tambe cu e prome minister interino Michel Boisvert, cu normalmente ta e minister di Finanzas. Aworaki e ta na Puerto Principe y nos ta den con-

tacto tambe regular cunele," e fuente a señala.

E Departamento di Estado a manifesta cu e prome minister interino a reitera tambe su apoyo pa e mision internacional di seguridad.

Tambe diaranson organisacionnan politico y di e sociedad civil na Haiti a cuminsa eligi nan candidatonan pa ta miembro di e Consejo Presidencial di Transicion impulsa pa e comunidad internacional.

Algun grupo of partido po-

litico a anuncia nan representante, mientras otro nan a informa cu nan ta den evaluacion.

ONU a pidi diaranson na Republica Dominicana, como tambe cualkier otro pais, pa respecta e derechonan humano di e Haitianonan cu ta busca mehora nan bida na otro luganan y evita e deportacionnan forsa.

E vocero di e Secretaria General, Stephane Dujarric, tabata contesta un pregunta tocante e deportacionnan forsa di Haitianonan for di Republica Dominicana, na cual el a indica: "Nos no kier pa tin deportacionnan den massa of forsa di hende pa un pais cu claramente no ta sigur."

E organizacion Internacional di Migracion a publica den luna di februari ultimo cu den e mesun luna ey tabatin nuebe mil caso di migrantenan Haitiano cu a wordo "manda back forsa for di paisnan bisina" y di e cifra ey 95% tabata bin di Republica Dominicana.

Jamaica: Federacion di Polis ta priminti apoyo completo pa e comisario nobo

(JamaicaObserver) - Varios stakeholder involucra a lansa nan sosten completo tras di e Comisario di Polis nobo, Dr. Kevin Blake, y a expresa confiansa cu e lo sigui dirigi e Forza di Polis di Jamaica (JCF) den e direccion corecto.

Secretario General di Federacion di Polis di Jamaica, Corporal Arleen McBean a bisa Jamaica Observer riba diaranson cu e federacion ta basta contento cu e seleccion di Dr. Kevin Blake como nan proximo comisario di polis.

"Mientras nos ta reconoce e briyo di tur e otro comisario di polis adhunto, Dr. Blake a resulta... Mi lo yam'e e bien-to di transformacion di JCF a traves di tecnologia y otro medio cu a haci diferente area di JCF, cu nos nunca lo a pensa di keda modernisa pa un nivel di aceptacion y reconocimiento. Nos ta na un nivel unda nos impulso ta pa mehora diferente area policial pa e ciudadanonan di Jamaica por ta sigur," el a bisa.

"Nos ta duna nos sosten completo na nos comisario nobo, y nos kier a gradici Major General Anthony Anderson pa e trabou tremendo cu



el a haci durante su periodo como comisario di polis," el a agrega.

Corporal McBean a bisa cu e federacion ta kere den e exitonan grandi di Dr. Blake, notando cu e kier mira un enfoque riba capital humano, y a expresa e speranza cu e bienestar di miembronan di rango di JCF lo keda e prioridad "pa nos por sirbi boso nan, e ciudadanonan cu ta eyfo."

El a agrega: "E recurso mas importante ta e recurso humano, y bo mester sigura cu tur esaki ta keda e prioridad interno pa nos por duna un bon servicio mientras nos ta keda profesional y respetabel

y sirbi e ciudadanonan di Jamaica."

Corporal McBean a bisa cu e federacion ta spera tambe pa mas defensa riba hopi asunto pendiente y pa mira con lo por resolve nan di e miho manera.

Mientras tanto, den un declaracion na prensa riba diaranson, e vocero di oposicion riba seguridad di ciudadanonan y productividad, Senador Peter Bunting, a felicita Dr. Blake riba su logro, pero a remarca cu e oposicion lo ta mirando di cerca pa wak con e ta haci su trabao.

"E seleccion di un comisario di polis ta un asunto pa e Comision di Servicio di Polis, y e oposicion no lo duda ariba nan seleccion. Sinembargo, e prueba di e reto lo ta den e resultado, y nos lo ta observando su prestacion atentamente den su rol nobo," el a bisa. Bunting tambe a recorda cu e comisario nobo cu e Ley di JCF ta duna e supervision operacional exclusivo di e forsa na e comisario, mientras politica ta e asunto di e ministerio/gabinete, y den algun caso — manera atende un estado di emergencia — na Parlamento.

TRABOU DI MANTENCION NA SAN NICOLAS
Interupcion di Coriente

En conexion cu trabounan necesario, coriente lo wordo interumpi:

Diahuebs, 21 di maart 2024
8:30 AM te cu 4:00 PM

Den vecindario di:

- Caya Jose Geerman
- Kockstraat
- Seroe Preto
- Weg Seroe Preto
- Antenna Tanki Awa Seroe Preto
- Weg Rooi Hundo

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.

Musk abruptamente ta cancela 'The Don Lemon Show' riba X

Despues di sinta pa prome entrevista di e programa

(AP) — Elon Musk abruptamente a cancela 'The Don Lemon Show' riba su red social X despues cu e ex-presentador di CNN a graba un entrevista cu e biyonario pa su prome episodio, cu ainda no a sali.

Musk ta doño di X, anteriormente conoci como Twitter, y frecuentemente ta proclama su mes un 'absolutista di libertad di expresion'. Den un post riba X, e compania basa na San Francisco a bisa cu despues di consideracion cauteloso, a "dicidi pa no drenta den un asociacion comercial cu e show." A agrega cu show di Lemon "ta bon bini pa publica su contenido riba X, sin censura, ya cu nos ta kere den provee un plataforma pa creadornan eleva nan trabao y conecta cu comunidadnan nobo."

Den un video riba X, Lemon a declara cu "Elon Musk ta rabia cu mi" y a bisa cu e ta bay publica su entrevista cu e CEO di Tesla riba YouTube y a traves di su podcast dialuna.

Lemon no a bay den specifico tocante e fuente di e supuesto infelicidad di Musk, pero a skirbi: "A traves di nos comb-



ersacion, mi a keda reitera na dje cu maske e tabata tenso na algun momento, mi ta kere ta bon pa hende mira y scuchanos intercambio y cu nan lo siña di nos combersacion." "Pero aparentemente, absolutismo den libertad di expresion no ta aplica ora ta trata di pregunta tocante su persona for di hende manera ami," el a agrega.

Den un discusion cu Lemon

despues dialuna riba CNN, presentador Erin Burnett a muestra clip di e entrevista cu Musk, den cual e CEO di SpaceX a bira incomodo ora a puntr'e tocante moderacion di contenido y e plamamento di lenguahe odioso riba X.

Den e clip, Lemon a puntra Musk si e ta kere cu e y su plataforma social tin algun responsabilidad pa modera lenguahe odioso riba X. El

a destaca e plamamento di e "Gran Teoria di Reemplazo," un creencia racista cu den su forma mas extremo, ta bisa cu Hudiunan ta tras di un plan pa disminui influencia di hende blanco na Merca.

Musk a contesta skerpi cu e no mester contesta pregunta di reporteronan. "E unico motibo cu mi ta den e entrevista aki ta pasobra bo ta riba e plataforma X y bo a pidi pa

esaki," el a bisa. "De lo contrario, mi no lo ta haciendo e entrevista aki." Ora Lemon a sigui cu un pregunta tocante critica riba Musk pa e asunto aki, Musk a contesta, "mi ta ricibi critica constantemente. Mi no ta worry."

Na januari, X a anuncia un "partnership nobo di contenido" cu Lemon pa e show, bisando cu lo post episodionan di 30 minuut tres biaha pa dia riba temanan incluyendo politica, cultura, deporte y entretenimento. E acuerdo aki tabata parti di e esfuersonan di e plataforma pa reforsa su oferta di contenido y atrae aviso. X tambe a anuncia shownan presenta pa ex-Congresista, Tulsi Gabbard y locutor di radio, Jim Rome.

Lemon a haya retiro di CNN aña pasa despues di un carera di 17 aña cu e noticiero. Su salida a yega tiki mas cu dos luna despues cu el a pidi disculpa pa comentarionan en bibo tocante e candidato presidencial e tempo ey, Nikki Haley, bisando cu e no ta den "su miho", cu el a haci durante su racha cortico como anfitrión di show host.

START YOUR DAY IN PARADISE

laguna

OPEN DAILY
7 - 11 AM

For reservations +297-526-6680

- Extensive Buffet
- Air-Conditioned Dining
- Your Favorite Breakfast Classics
- Wake-Up Cocktails
- Outdoor Terrace Dining
- A La Carte Breakfast Specialties

Hilton
ARUBA CARIBBEAN
RESORT & CASINO

Happy Birthday

Awe e campeon di cas LEONARDO COLMENAREZ ta celebra su fecha natal. Felicitacion ta bin di parti di su team completo di Nacional, su team U9 di Nacional, como tambe di su casa, yiunan y demas famia y amistades. Nos tur ta desea Leo hopi aña mas yen di bendicion, amor y felicidad. Goza hopi di bo dia y nos kier bolo...

FLAG DAY

BINGO

Monday, March 18 | 1pm
8 Games to Play! \$8.50 for 4 Cards!

Progressive within 51 Calls Progressive within 52 Calls Progressive within 53+ Calls

\$500 \$300 \$200

Special Door Prizes | Over \$2,000 in Total Payouts!
Double your prize with
DOUBLE POWERBALL 118 & N40**

*Progressive within 50 calls, amount unless hit before 3/18/24. **Except on Progressive.

Game 1	Letter X	\$100
Game 2	Large Diamonds	\$100
Game 3	Lucky 7	\$125
Game 4	Letter H	\$125
30 Minute Break / Pick 5 Winners		
Game 5	+ or Cross	\$250
Game 6	Postage Stamps	\$250
Game 7	Letter T	\$300
Game 8	Full Card	\$1000

\$39,469
PROGRESSIVE™

Alhambra
CASINO AND SHOPS

Open daily 10am to 3am | J.E. Irausquin Blvd #47 | 583.5000 | casinoalhambra.com **CS** CamScanner

Play Responsibly. Visit www.gamblersanonymous.org if you or someone you know has a gambling problem.

210 alumno di Scol Basico Washington a participa na "I Stopped It"

Na aña 2022 HIAS Aruba y 131 a uni forsa pa reduci e riesgo di violencia contra hende muher y hende homber y pa promove masculinidad saludabel na scolnan primario na Aruba.

E colaboracion aki ta basa ariba e extenso experiencia cu 131 tin den implementa proyectonan similar na scolnan primario y secundario riba nos isla, tal como e proyecto 'Prevenccion di Termento na Scol' y hopi otro

charla, proyecto y tayer. Danki na fondo proporciona door di e 'Bureau of Population, Refugees, and Migration' (BPRM), e dos organisacionnan aki a desaroya y cuminsa cu implementacion di e proyecto I Stopped It (Ami a par'e) na aña 2023.

entre mucha homber y mucha muher, igualdad, y ta promove masculinidad saludabel. Tambe I Stopped It ta trata e tema di termento y discriminacion, y ta stimula empatia entre persona y grupo di persona. I Stopped It ta stimula prevenccion di violencia, cu ta un di e puntonan importante di e 'Beleidsvoornemens' di Minister di Husticia y Asuntunan Social.

informacion tocante violencia relacional, violencia relaciona cu genero (violencia di hende homber na hende muher y/ of violencia di hende muher na hende homber) y masculinidad saludabel. Durante e di cuater sesion 210 alumno na Scol Basico Washington a termina I Stopped It cu un certificado como muestra di participacion y conocimiento di forman di violencia y su origen.

Despues cu na aña 2022 a desaroya e proyecto I Stopped It, na 2023 131 a cuminsa cu implementacion di I Stopped It den 8 scol primario na Aruba (un den cada distrito). E alumnonan di klas 4, 5 y 6 di e 8 scolnan primario a participa na I Stopped It den aña 2023. E proyecto aki ta preventivo di naturaleza, y ta trata di para violencia entre mucha homber y mucha muher. E proyecto ta atende cu e problema di violencia, e trato

Ariba 27 y 29 di februari, y 5 y 7 di maart e alumnonan di klas 4, 5 y 6 di Scol Basico Washington a participa na I Stopped It. Scol Basico Washington ta e di dos di e cinco scolnan primario cu lo participa na I Stopped It e aña aki.

Pa mas informacion tocante I Stopped It por tuma contacto cu 131 via nos website: 131.aw, Facebook: <https://www.facebook.com/telefon.hubentud/>, e-mail: 131aruba@gmail.com of telefon 5886138/ 5884011.

Durante 4 sesion nan a haya



ELMAR

Feliz dia di Himno y Bandera, Aruba!

En conexion cu Dia di Himno y Bandera nos lo ta cera henter dia ariba:
Dialuna 18 di maart 2024

Den caso di emergencia por yama libremente nos Storingsdienst na 523-7147.

Accidente cu herido pa falta di preferencia na Hooiberg

Diamars atardi a drenta informe di un accidente cu hende herida na Hooiberg, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un auto a sali dilanti di un pick-up sin a duna esaki preferencia. Debi na e impacto tanto e chauffeur di e auto como tambe 2 mucha den e pickup a resulta levemente herida. Na yegada di e ambulance nan a atende e victimanan na e sitio mes.



Auto su so a bay atras, pasa riba pia di chauffeur



Diamars merdia a drenta informe di un accidente cu hende herida na Tanki Flip, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu un dama chauffeur a baha pura pa busca cuminda y a lubida pone auto den park y ora cu e dama a

baha e auto su so a cuminsa bay atras y ora el a bay purba par'e esaki a pasa riba su pia, e auto a sigui bay crusa caminda y milagrosamente net den e oranan druk ey e auto no a mishi cu ningun otro auto y a bay para te otro banda di caminda. Na yegada di e ambulance nan a atende e dama y transporte pa hospital.

Ladron a pasa via dak pa drenta horta na Dushi Delicious



Diaranson mainta a drenta informe di un caso di kiebrot y ladronia na Dushi Delicious na Caya G.F. "Betico" Croes, mesora a dirigi tanto polis como ambulance na e sitio.

Na yegada di e patruya a bin compronde cu e ladron a subi




pasa via dak y a drenta e lugar y a horta bebidanan alcoholico y ademas un suma di placa cu tin den e cash register pa

cambio. Mirando cu tin hopi evidencia laga atras lo no dura mucho pa autoridad detene e sospechoso cu a drenta horta.

Polis a detene turista cu a saca cuchiu pa su casa

Diamars anochi laat a drenta informe di un security di un hotel na Eagle Beach pidiendo presencia policial cu urgencia pa un problema di pareha bayendo for di man na e lobby di e hotel. Mesora a dirigi un patruya na e sitio.

Na yegada di e patruya a bin compronde cu aki ta trata di un problema di pareha cu a escala unda e muhe a saca un cuchiu y a staca e homber na su brasa y ademas a kibra e paspoort di e homber. Polis a tuma nota cu e muhe ta hopi bao influencia di alcohol y a deten'e.



Polis a detene chauffeur burachi cu tabata core cu auto un banda di wiel riba rim



Diamars atardi a drenta informe di cu tin un auto coriendo cu un wiel riba rim y causando daño na e asfalt, mesora polisnan a para e auto aki na De La Sallestraat.

Ora polis a bay atende cu e

chauffeur a bin resulta cu esaki tabata bao influencia di alcohol y a detene. Como cu e auto tabata tin un sla fresco riba dje a confisca esaki pa asina saca afo si e tabata envolvi den un accidente y a sigui core bay.



Dama sin rijbewijs valido a dal motociclista benta abao y a resulta herida

Diamars mainta a drenta informe di un accidente na e rotonde banda di Xerox, mesora a dirigi un patruya na e sitio.

Na yegada di e patruya a bin compronde cu aki ta trata di un dama chauffeur sin rijbe-

wijs valido a bay dal tras di un motociclista y a bent'e abao. Como consecuencia di e caida e motociclista a resulta levemente herida pero e no tabata desea di haya atencion medico.




Accidente di cadena entre 3 auto y 2 persona levemente herida na Santa Cruz

Dialuna atardi a drenta informe di un accidente cu hende herida na altura di Amistad Take Away na Santa Cruz, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente di cadena entre 3 auto unda cu e chauffeur di un Ford Figo no a regula su velocidad ni a mantene distancia a bay dal tras di e Chevrolet su dilanti y consecutivamente e Chevrolet a bay dal tras di e Toyota Tercel su dilanti. Debi na e impacto 2 persona a resulta herida y a ser atendi pa e personal di ambulance.



Polis a detene turista burachi cu a causa destruccion na Hilton



Diamars madrug a drenta informe di cu tin un hoben turista burachi historico causando destruccion na Hilton, mesora a dirigi un patruya na e sitio.

Na yegada di e patruya a bin haya e hoben tur agresivo y por a mira tur e destruccion cometi for di pafo y tambe paden. Polis a detene e hoben turista aki cu aparentemente lo ta bao influencia y a bay warda di polis cune.



EXECUTORIALE VERKOOP (AUCTION)

Caya G.F. (Betico) Croes 159-A

een perceel eigendomsgrond, 370 m²,
gelegen te Caya G.F. (Betico) Croes in Aruba,
kadastraal bekend als Eerste Afdeling Sectie P nummer 623.

Inzetprijs: Afl. 314.460,00;

Onderhandse biedingen mogelijk.

Neptunusstraat 2-A

een perceel eigendomsgrond, 342 m²,
gelegen te Oranjestad in Aruba,
kadastraal bekend als Eerste Afdeling Sectie P nummer 621.

Inzetprijs: Afl. 298.320,00;

Onderhandse biedingen mogelijk.

Voor onderhandse biedingen kan eventueel rechtstreeks contact worden opgenomen met de aanbieder, curator **mr. J.M. de Cuba** aan de Elleboogstraat 11-13.

Caya G.F. (Betico) Croes 161

een perceel eigendomsgrond, 867 m²,
gelegen te Caya G.F. (Betico) Croes in Aruba,
kadastraal bekend als Eerste Afdeling Sectie P nummer 622.

Inzetprijs: Nog Te Bepalen;

Onderhandse biedingen niet mogelijk.

De openbare verkoop vindt plaats
eerst bij opbod en vervolgens bij afmijning op
17 april 2024, om 10:00 uur

ten overstaan van notaris **mr. C.M.A. Helmeyer**, notaris in
Aruba, in de veilingzaal van Surfside Marina
(Dolphin Room) aan de L.G. Smith Boulevard 7 in Aruba.

De veilingvoorwaarden zullen uiterlijk 8 dagen voor de
verkoopdatum beschikbaar zijn op het kantoor
van Notaris Helmeyer.

Notariskantoor Helmeyer

Elleboogstraat 11-13

Tel: 280-2020 / WhatsApp: 699-2820

veiling@notarishelmeyer.com / auction@notarishelmeyer.com

www.notarishelmeyer.com

Raspberry Pi Foundation ta reforsa colaboracion cu Aruba y Hulanda

Recientemente a traves di un post riba nan blog, e fundacion Raspberry Pi a duna un update riba su colaboracion cu Aruba y Hulanda. E fundacion ta partner cu organisacionnan educativo rond mundo pa trece actividadnan di coding pa hoben den nan region a traves di Code Club y CoderDojo.

Actualmente involucrando 52 organisacion na 41 pais, e red aki di Global Clubs Partner ta comparti un pasion pa empodera muchanan pa crea cu tecnologia. Segun e blog, un aspecto clave di con ta reforsa e red di Global Clubs Partner ta door di promove conexon entre e partnernan. Esaki ta un motibo pakico tin reunionnan online regularmente y eventonan regional presencial, y ta conecta partnernan one-on-one pa facilita intercambio di informacion. Den e post aki, nan a resalta storionan di organisacionnan



partner cu a beneficia di traha cu otro, incluyendo Aruba.

Na maart 2023, e fundacion a tene su prome Clubs Conference pa educador- y bolun-

tarionan involucra den Code Club y CoderDojo. Ya cu e evento aki a tuma lugar na Cambridge, Reino Uni, mayoria di esnan presente tabata di Reino Uni y Republica

di Irlanda, pero un cantidad chikito a bin di mas leu. Hopi mas leu, den algun caso.

Bruce Harms y su colega Thanya Croes (Full Stack Vision

Foundation, Aruba) tabata atendiendo e Clubs Conference pa comparti nan trabao pa aumenta alfabetisacion digital na Aruba a traves di clubnan CoderDojo. Na un sesion special di e conferencia pa invitadonan internacional, nan a conecta cu Sanneke van der Meer y Marloes van der Meulen (CoderDojo Netherlands), kende tambe tabata presentando como parti di e sesion.

Despues di e Clubs Conference, e dos organisacion a keda den contacto. Despues durante aña, Bruce y Thanya a atende e DojoCon Netherlands 2023 na Den Haag. "Tabata un dia tremendo cu bon tayer y hopi otro Campeon di CoderDojo," Bruce a bisa. E y Thanya tin plan pa invita CoderDojo Netherlands su team pa Aruba, y ta spera pa colabora den proyectonan hunto den futuro.

Ta temporada cu turtuganan di lama ta yega cerca pa broei

Directie Natuur en Milieu (DNM) ta desea di manda un anuncio di alerta na usuarioan di lama y esnan cu ta frecuente pasobra e tempo cu turtuganan di lama ta yega cerca pa broei a cuminsa.

Den Aruba su awanan teritorial ta haya cuatro sorto di e especie di turtuga di lama. E temporada cu nan ta activo pa broei den nos bisindario ta cuminsa na maart y ta bay te december, aunke cu e temporada ta varia depende di e sorto. E cuatro sortonan aki

y nan webonan tur ta protegi pa leynan local y internacional. Den e ley ta stipula cu no mag di mishi tampoco causa daño na e sortonan aki. Ta recomendabel pa admira sortonan protegi for di un distancia respetabel.

Tambe nos ta anticipa e temporada di campamento 2024 na unda lo tin mas usuario di lama compara cu otro dianan. E peticion ta extende cu no mester solamente bay disfruta pero mester corda cu ora di bishita lama mester respecta nos recursonan natural y e bida marino. E bida ma-



rino ta asina extenso cu e ta cubri cantidad grandi di sortonan di pisca, mamiferonan, coralnan pero no por lubida e conexon cu bida marino tin cu tera.

E matanan di mangel cu ta angra den e tera pa asina proteha nos costanan y tambe preveni erosion na nos costanan valioso. E parhanan cu ta broei riba islanan di rif. E enfoke ta keda riba e proteccion di e sortonan y con organisacionnan gubernamental y no-gubernamental ta haciendo maximo esfuerso pa conservacion di e naturalesa.

Un organisacion manera Fundacion TurtugAruba ta sumamente importante pa cu monitoreo di e turtuganan di lama ora cu nan ta subi nos beachnan pa pone webonan y pa despues bay bek lama. P'esey nos ta aplaudi e organisacion aki y su boluntarionan cu ta atento y ta dedica

nan tempo cu hopi amor na e sortonan aki.

E cuatro sorto di turtuga di lama cu ta bin pa broei na Aruba ta: Caret (*Eretmochelys imbricata*), Cawama (*Caretta caretta*), Turtuga blanco (*Chelonia mydas*) y tambe e tan stima Drieki (*Dermochelys coriacea*). Na comienso di luna di maart, Fundacion Parke Nacional Arikok a manda un anuncio cu splicacion y algun tips con ta aporta pa e beachnan keda den un condicion faborabel pa e turtuganan di lama. DNM ta desea di amplia e lista pa trece algun preocupacion dilanti pa e temporada aki.

Ta asina cu ta suplica pa:

- Ora di snorkel of duik/sambuya, tene un distancia respetabel y leu di e turtuganan di lama. No mishi cu nan. Tampoco duna nada di come.
- Mantene nos beach-

nan limpi di sushedad, en caso bo a bini cu algo na lama, bay cu esaki bek y no laga nada atras.

- Si bo a coba un buraco den e beach y/of traha un obra traha di santo di lama cu bo yiu, por favor tapa tur buraco y mester kita locual a crea asina laga e santo blanco plat. Sacu un potret pa bo mes recuerdonan y pensa riba e otro usuarioan di e beach, e turtuganan di lama.

- No uza luz riba of banda di lama, pasobra turtuganan di lama ta sensitivo na luz artificial, esaki por causa cu ta desvia e bestia di su proposito. Tampoco luz di telefon ta apropiada. Paga tur luz.

Encarecidamente, si bo wak lastronan di turtuga di lama of indicacion cu tin un turtuga di lama cu a subi tera pa broei, mantene bo distancia y yama TurtugAruba Foundation na 592 9393.

Tambe si tin comportacion di hende cu no ta cuadra cu ley, con nan ta trata cu un of otro bestia protegi, por yama Polis.

Ta hunto nos por logra pa monitor e sortonan protegi asina yuda cu preservacion di nos naturalesa pa e generacion cu ta bini. Ban tur respecta nos biodiversidad cu ta fragil caba. No ta pa awe so nos mester biba!



Departamento di Labor y Investigacion

Orario pa atende publico diabierna **15 di maart 2024**

ORANJESTAD - Departamento di Labor y Investigacion ta participa na tur cliente cu riba diabierna **15 di maart 2024** nos lo ta cera pa publico di 12:00'or di merdia en conexon cu reunion di personal.

Departamento di Conflictio lo atende publico te cu 11:00'or di mainta riba e dia aki.

Nos ta pidi disculpa si esaki por trece cualquier inconveniencia.

Director suplente,

Sr. A. Lee Riviears

Desaroyo di proyecto di renobacion di Palo Marga

Recientemente, Minister di Enseñansa y Deporte, Endy Croes a divulga riba algun desaroyo di e proyecto deportivo di Palo Marga International Raceway Park. Manera ta conoci, pa mas di 10 año Palo Marga no a haya atencion di e gobiernonan anterior y no tabata den un condicion adecua.

Despues di evalua e necesidadnan cu tabatin den Palo Marga, desde año 2023 a inicia cu e prome fase di e proyecto di renobacion di Palo Marga. Pa e prome fase di renobacion a aloca 26 palo di luz, instala kabel di coriente y a construi un baki di santo na e final di pista, cual ta pa evita cualkier desgracia den caso cu break di auto faya. A inverti den luz ultramoderno LED light di marca Philips.

Den e luna di juli di año pasa a concretisa e prome fase aki, unda a cende e luznan di Palo Marga cu ta ilumina e pista desde inicio te na final di e pista. Esaki sigur ta brinda e coredonan siguridad, mirando cu nan tin un miho bista



di e pista. E mandatario di Deporte a haci un promesa di sigui cu e di dos fase di renobacion di Palo Marga, cual ta pa renoba e pista completo di Palo Marga pa cumpli cu e standardnan internacional.

Pa esaki, a trece Sr. Kurt Johnson di Total Venue Concepts, un profesional den e preparacion di pista di "drag racing" na Merca. Sr. John-

son a bishita Aruba na final di año 2022, pa evalua kico tur mester haci pa e pista di Palo Marga wordo certifica. Sr. Johnson den su carera a atende cu varios pista di drag race rond mundo y tin conocimiento y experticio amplio pa evalua, midi, bora, analisa pista y duna un rapport final. Año pasa Sr. Johnson a traha un rapport di e pista di Palo Marga y a presenta tres (3)

opcion den su rapport.

Durante un reunion, Minister Endy Croes hunto cu Arubaanse Wegenbouw Maatschappij (AWM) y Dienst Openbare Werken (DOW) a discuti riba e topico aki pa mira cua di e opcionnan aki ta factibel. Na final di e reunion, a conclui cu actualmente no tin tur e ekiponan necesario na Aruba pa cumpli cu e standardnan internacional. Sinembargo, a traves di e contactonan di Sr. Kurt Johnson a ricibi un oferta adicional pa complimenta e proyecto aki. Durante e prome siman di april, Sr. Johnson y su team lo yega Aruba cu ekiponan di Merca pa guia AWM y DOW. Ademas di esaki, AWM lo trece un experto di Hulanda pa concretisa riba nivel di milimeter con nan lo basha e pista. Sr. Johnson a propone pa uza un mix special pa e pista, esta "race quality asphalt". E materialnan a yega Aruba caba pa inicia cu e trabou na comienso di april.

Ta planifica pa termina e proyecto di renobacion di e

pista di Palo Marga na final di mei. Pues, tin hopi energia y trabou hinca den Palo Marga desde año 2023. Desde Bureau di Minister di Deporte Endy Croes a keda monitorea, trek y guia e proyecto aki. A percura continuamente pa e fondonan yega pa realisa e proyecto di Palo Marga, pa cumpli cu e condicionnan internacional y tin un pista certifica pa e proximo 15 añanan. Cu esaki Gobierno di Aruba ta percura pa brinda esnan cu ta practica e deporte di drag race siguridad. Minister Endy Croes ta gradici DOW, AWM, directiva di Palo Marga, Ministerio di Deporte, tur stakeholder y team di profesional di Merca cu a bin cu un plan strategico pa hunto cristalisa e proyecto aki.

Finalmente, e mandatario di Deporte ta desea tur coredo hopi exito cu e logro aki. "Ta nos compromiso pa contribui den e desaroyo di deporte di Aruba y Gobierno di Aruba ta invertiendo den deporte pa bienestar di tur deportista", Minister Endy Croes a conclui.

Landadonan universitario y atletanan di volleyball ta demanda NCAA pa politica transgenero

(AP) — Ex-landado di Kentucky, Riley Gaines tabata entre mas di un decena di atleta universitario cu a demanda NCAA ayera, acusando e di viola nan derechonan di Title IX door di permiti Lia Thomas compete den campeonato nacional na 2022.

E demanda, entrega den corte na Atlanta, ta detaya e shock cu Gaines y otro landadonan a sinti ora cu nan a haya sa cu nan mester comparti un locker room cu Thomas na e campeonato na Atlanta. E ta documenta un cantidad di careda cu nan a landa hunto cu Thomas, incluyendo e final di 200 yarda den cual Thomas y Gaines a empatar na di cinco lugar, pero Thomas, no Gaines, a ricibi e trofeo di di cinco lugar.

Otro demandante, Tylor Mathieu di Florida, a keda na di nuebe lugar den heat preliminar di e 500 liber, cu a lag'e un spot leu di landa den e fi-



nal cu Thomas a bay pa gana. Thomas tabata e prome atleta abiertamente transgenero pa gana un titulo Division I den cualkier sport, terminando dilanti di tres medayista Olimpico pa e campeonato. Door di no yega e final, Mathieu a ser nenga e honornan di prome-team All American den e evento en cuestion.

E demanda ta bisa cu e demandantenan "ta trece e caso aki dilanti pa sigura pa futuro generacionnan di hende muhe e promesa di Titulo IX cu ta siendo nenga na nan y otro muhenan universitario" door di NCAA.

NCAA a nenga di comenta riba e demanda.

Xander Bogaerts bayendo cu MLB pa Sur Korea

(AP) — Cuminsando cu su di nuebe apertura internacional, Major League Baseball ta biahando tur rond mundo na 2024, cuminsando cu e Seoul Series dia 20 di maart.

Los Angeles Dodgers na San Diego Padres: Shohei Ohtani ta haci su debut cu Dodgers na Seoul, Sur Korea, contra

Manny Machado y e Padres. Ohtani a firma un contract record di \$700 miyon cu LA den agencia liber. E strea ta enfocando riba debenan di DH e temporada aki mientras e ta recupera di un lesion na su elleboogo banda drechi.

Xander Bogaerts ta den nan lineup peligroso.



Alexander Hodge y Lana Gobert ganadornan absoluto di 38 Aruba International Half Marathon

Diadomingo, pa exactamente pa 5:30 am, dilanti di Joe Laveist Sport Park na San Nicolas, Minister di Enseñansa y Deporte Sr. Endy Croes a duna señal di salida na una un total di 895 a participa.

Alexander Hodge tabata prome coredo pa crusa meta final cu un tempo di 1:19:01, e di dos coredo pa crusa meta final tabata Rick James cu a core un tempo di 1:19:30 y e di tres coredo masculino pa crusa linea final tabata Aric Champagne.

Pa loke ta trata e damanan, prome dama pa crusa meta final tabata Lana Gobert cu a logra esaki den 1:30:19, e di dos dama cu a crusa meta final tabata Tatiana Villa cu a logra esaki den un tempo di 1:34:59, sigui pa Rebecca Jansen cu a logra crusa meta final cu tempo di 1:35:41.

Locual cu tambe a resalta cu IBiSA pa prome biaha a inclui un Kids Run den e evento aki cu a hala hopi atencion di esnan presente.

E pensamiento tras di esaki ta pa for di chikito introduci e muchanan den competencia na un nivel recreativo, pero cu e intencion pa nan sigui participa y converti nan mes den coredornan di distancia largo pa futuro.

Tur esnan interesa por mira resultado den cada categoria via link: <https://results.sporthive.com/>



Exprodesk cu invitacion pa cuminsa e celebracion dia di Himno y Bandera diabierna awo na 'Aruba Showcase Event'

Departamento di Asuntonan Economico, Comercio y Industria y su unidad Exprodesk ta organisa 'Aruba Showcase Event-Promocion y Exhibicion di productonan di Aruba y e lansamento di e Webpage Aruba Showcase' na Sun Plaza Mall dia 15 maart 2024 di 6:30pm pa 9:00pm y entrada lo ta completamente gratis! 'N Fuzion lo t'ey pa duna ambiente y entretene publico presente. Bar y cushina lo ta bon surti y lo ta na encargo di Chichi's Snack Truck & Catering. Sr. Geoffrey Wever, minister di Asunto Economico, Comunicacion y Desar-

oyo Sostenibel lo ta presente pa e lansamento di e webpage y evento.

Pueblo di Aruba, prepara pa un evento espectacular cu no solamente lo resalta e variedad di productonan produci localmente sino cu tambe lo ta e lansamento di e 'Webpage Aruba Showcase'. 'Aruba Showcase Event' ta bay ta un celebracion dobel, brindando pueblo di Aruba e oportunidad pa bin explora e diversidad di productonan di calidad halto cu Aruba tin pa ofrece. 'Aruba Showcase Event' kier asina fungi como un plataforma unda negoshinan local por exhibi y potencialmente bende nan

productonan, contribuyendo na Aruba su economia y cultura vibrante y asina refleha e creatividad y innovacion di empresarionan Arubano.

'Aruba Showcase Event' 1. Exhibicion di productonan "Original di Aruba": tur presente lo tin e oportunidad pa experimenta pa nan mes y cumpra un variedad di articulonnan produci localmente, cu ta e.o. pica, cosmetica (habon, makeup, desodorante, proteccion solar, etc.), chuculati, productonan masculino pa barba, siga completamente produci na Aruba, obranan di arte, diferente biña y likeur di casho y honing, tequila di



Resultado Sorteo <i>Maart 14</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
2113	5594	9776	2743
6021	1012	SUPER5	7298
5632	4108	67179	0604
MERDIA	ANOCHI		
			Joker Letter
Sorteo #	Sorteo # 8195	Sorteo #	Proximo Jackpot
7 7 4 3	0375	0 x Jackpot	120.000,-
0 2 2 8	8255	0 x Match 4+	
5 1 3 9	7021	0 x Match 4	
			07-08-11-21-25
X2	X5	Sorteo # 6416	Proximo Jackpot
		0 x Jackpot	51.000,-
Sorteo #	Sorteo # 7239	6 x Match 4	
1 7 4 7	0329	150 x Afl 8,00	
			Mega Ball
Sorteo #	Sorteo # 1944	Sorteo #	Proximo Jackpot
1 6 3 1	9465	0 x Jackpot	270.000,-
		0 x match 4	
Sorteo #	Sorteo # 5998	0 x Afl. 500,00	
7 9 8 5	0800	0 x Afl 50,00	
			Afl. 370.000,-
Sorteo #	Sorteo # 928		
8 0 2	759	Sorteo #	
X2	X2		

mango y coco traha cu awa di nos lama, prendanan di glas di lama, badpak, paña y acesorio di moda (sostenibel) y mucho mas.

2. Lansamento di e 'Webpage Aruba Showcase': e evento lo lanza oficialmente e 'Web page Aruba Showcase' cu lo brinda un plataforma digital pa tur negoshi local promove y bende mas producto despues di e evento. E web page tin como meta pa conecta nos negoshinan local cu un audiencia mas amplio y asina fomenta crecimiento economico y amplia e alcance di nos productonan local riba nivel mundial.

Ainda tin oportunidad pa tur negoshi, cu tin un producto local, pa expone esakinan riba e 'Web page Aruba Showcase'. Pa por considera bo negoshi of producto como 'di origen local' tin algun rekisito cu mester cumpli cune. E rekisitonan cu ta necesario ta lo siguiente:

- Negoshi local mester ta registra na Kamer van Koophandel (KvK) y tin un vestigingsvergunning di Departamento di Asuntonan Economico, si ta aplicabel;
- Producto mester ta

completamente original di Aruba (materia prima y e producto final ta traha/transforma/procesa na Aruba);

• Den caso cu e producto NO ta completamente original di Aruba, e mester tawata 'transforma/procesa' na Aruba (e materia prima lo por bin di afo pero e producto final mester ta traha/transforma/procesa na Aruba).

Pa registra pa e oportunidad aki lo mester manda un e-mail na: s.meijer@deaci.aw. Loke ta necesario pa registra ta:

- Un descripcion di e producto (maximo 150 palabra);
- Potret di e producto;
- Informacion di contacto, links di e website y/of Facebook y/of Instagram;
- "Letter of Consent" yena y firma. (Esaki ta mand'e via e-mail na momento cu registra).

Pa mas informacion over di e evento y web page "Aruba Showcase", y con pa participa, por tuma contacto cu Sra. Sharon Meijer via: s.meijer@deaci.aw



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Sta. Anna Aloe
Tel. 586 8181 Tel. 584 4606

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

FADA

Campanastraat 5 Aruba
297-583-2999
297-583-9610

FAVI

Primavera 233 Aruba
297-582-5051
297-582-5222

FEPO

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

YMCA

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Celebracion 18 di maart 2024 lo ta grandi na Piedra Plat

5 organisacion ta uni pa haci e evento grandi aki. C.B. Piedra Plat, Centro Famia Piedra Plat, Fundacion Car-Ritmo, SV Britannia y Roller Skate Aruba.

Lo tin un programa cu lo delecta grandi y chikito, cuminsando for di 9or di mainta cu un koffie morgen y weganan di futbol pa mucha, tentnan cu benta di artesanía, cos dushi, Pasa boca crioyo, mata y mucho mas. Tambe lo tin apertura di un speeluin nobo cu dino jump pa e muchanan y weganan popular pa tur edad y lo tin un espacio apart pa practica roller skate pa mucha y adulto.

Pa 12or di merdia cushinanan lo ta habri cu benta di cuminda crioyo y cu diferente otro



tipo di cumindanan. E bar lo ta habri for di 9or di mainta. Show cultural ta cuminsa 1:00pm. cu diferente bandanan musical y bailenan folklorico. Lo tin tentnan grandi pa sinta come y disfruta di e show cultural.

Pa 4:30pm lo tin e famoso balansamento di auto cu chens pa gana premionan. E actividad completo lo tuma lugar

ariba e parkeerplaats di C.B. Piedra Plat/CDFB y lo termina pa 6:00 PM.

Nos ta invita e pueblo di Aruba en general y tur e habitantenan di e bario di Piedra Plat y vecindario pa bin celebra y disfruta nos dia di Himno y Bandera 18 di maart 2024. Den nos bario. Aruba ta nos baranca stima.

Directie Natuur en Milieu lo ta cera dialuna 18 di maart

Den cuadro di observacion di dia nacional, 18 di maart, dia di Aruba su Himno y Bandera 2024, DNM lo ta cera henter dia. Nos oficina na B v/d Veen Zeppenfeldtstraat #7 situa na San Nicolas lo ta cera.

Pa cualkier eventualidad por notifica via un mensahe riba nos plataforma di Facebook messenger @dnmaruba. Pa melding di urgencia tocante naturalesa y medio ambiente por haci esaki via Polis. DNM ta habri bek riba diamars 19 di maart pa brinda su servicionan.

DNM ta felicita henter pueblo di Aruba cu e dia aki. DNM ta urgi pueblo henter pa uza sano huicio y disfruta sanamente. Alabes nos ta boga pa un y tur tene nos Aruba limpi y liber di sushedad. E dia aki sali hunto den famia y amigonan pa honra nos isla y e logronan di por tin nos mesun identidad. Feliz dia di Himno y Banera 2024!



Pronostico di tempo

Tempo:

Awe tardi y awe nochi: parcialmente nubla y generalmente seco
Den marduga y mañan: parcialmente nubla sin awasero di importancia



Temperatura maximo 32 grado Celsius

Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
UV index: 10

Bahada di solo : 6:50 pm
Subida di solo : 6:47 am

Biento:

Modera te basta fuerte for di direccionnan generalmente oost;
Forsa 4 te 5 (20 te 39 km/ora, 11 te 21 nudo).
Den dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo).

Situacion general di tempo

pa proximo 24 ora:
Durante proximo 24 ora lo no bay tin cambionan grandi den e clima cu tin actualmente. Extension di un area di presion halto lo mantene e clima por lo general seco. Ademas Di Esaki E diferencianan di presion lo sostene un biento fuerte te duro den rafaga.

Condicionnan maritimo/ estado di lama:

Na partinan protegi di costa: keto, rond di 1 pia.
Na partinan zuid: trankil te modera, entre 2 pa 3 pia.
Na partinan oost te noordwest di costa: generalmente modera cu olanan di 4 pa 6, localmente 7 pia.

Chapi y Verf Handiman

Nos ta haci tur sorto di chapi y verf cas, edificio, school. Nos ta tira sushi afo
Cel. 561 1397

217622

Hiring

driver & shopper for grocery delivery company. Contact: info@groceriestogoaruba.com

217619

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Anuncio di
fayecimento

Patricia Tromp
Mihor conoci como Tisha



Na number di su:
Yiunan:
Patrick Ruiz y Melissa Ruiz-Maduro
Darline y Jhonny Bedoya Gonzalez

Nietonan:
Terrick Ruiz, Emma Ruiz, Tessa Ruiz,
Chloë Ruiz, Thiago Bedoya Ruiz, Gianna Bedoya Ruiz, Mateo Bedoya Gonzalez

Tata di su yiunan:
Donald (Donny) Ruiz y parcha

Mayornan:
†Hypolito (Poli) Tromp
†Mercedes Tromp-van der Biezen

Rumannan:
†Rosalinda (Linda) Croes-Tromp
Glenda y Pete Geerman-Tromp
Lisette (Liesje) Tromp

Manera rumannan:
†Ricalda (Cada) Winterdal y famia
Myrna y Alberto van der Biezen y famia

Subrinonan:
Geraldine Geerman y Jonovan Dubero y yiunan, Gerrit Croes, Michael Geerman,
Marynelle y Alexander Ras-van der Biezen y yiunan

Tanta y omo stima:
Mary Giron-Van der Biezen y famia
Ambrosio (Shito) y Arnolda Van der Biezen-Pourier y famia

Tantanan:
†Anita y Luis Figaroa-Tromp y famia
Veronica van der Biezen y famia
Celestina van der Biezen y famia

Omonan:
†Gregorio y Lodewika Tromp-Figaroa y famia
Aniceto Tromp y famia
Dominico y Elsa Tromp-Figaroa y famia
Eulogio (Okko) Tromp y famia
Jose Tromp y famia
Max y Filomena Tromp y famia
Gregorio (Goy) Van der Biezen y famia
Victor van der Biezen y famia

Famia di nuera:
Sergio y †Sylvia Maduro
Cheryl y Tom Buchman y yiunan
Michael y Vanessa Maduro
Jeffrey Maduro

Famia di nuero:
Yolanda Ramirez
Juliana Ramirez
Genesis Orman

Amiganan stima: Evelyne, Sheila, Rina, Carina

Bon amigo: Dudley Nicholson

Y demas famia: Tromp, Croes, Ruiz, Geerman, Van der Biezen, Bedoya, Figaroa,
Pourier, Giron, Maduro, Werleman, Correa, De Cuba, Winterdal, Damon, Semeleer,
Ras, Guede, Gomez, Kock, Willems, Oduber, Boekhoudt, Yarzagaray, Wolf, Flanegin.

Nos ta pidi disculpa si nos por a lubida algun familiar di e defunto. Ta lamenta cu
despues di entierio no ta ricibi bishita di condolencia na cas.

E ta nos deseo pa enbes di manda krans pa haci un donacion pa Edmund Harms
Foundation of Fundacion Hospice Atardi den number di e defunto.

Acto di entierio ta tuma lugar na Pro Catedral San Francisco, diasabra 16 di maart 2024
di 1 pm - 3 pm

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor... y amor ta Dios,
maske mi no ta na e mundo aki, tur dia lo
mi ta banda
di boso Curazon, mi por stens di loke
Señor ta hasi”
Salmo 33



Sr. Rosimbo Werleman
Mihor conoci com
“Ronny of Oi”
*06-05-1959 - †09-03-
2024

Acto di entierio lo wordo anuncia despues

Aurora
Royal Pray
Funeral Home & Crematory

Cumana # 76 & # 44/ van Speyckstraat #
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin
falta di nada
Den cunucu di yerba berde e ta
ponemi sosega.
E ta hibami na awa tranquil,
Pa mi bolbe haña forsa”.
Salmo: 23



Nos ta anuncia fayecimento di:

Stanley Elvirio Boekhout
Mihor conosi como: “Stanley Concuw”
* 03-11-1964 - †06-03-2024

Na number di su:
Yiu: Stanley Boekhout

Mayornan: Sylvia Boekhout Henriquez y †Cornelis
Boekhout

Rumannan: Hilaria Henriquez
Vivian Boekhout
Minguel Boekhout
Jane Boekhout y Jimmy Dirks
Ludy y Vito Maduro
Joel y Giancarla Jansen

Mama di su yiu: Sonia Tromp
Comer y comper: Angeline Tromp, Jimmy Dirks
Sobrin(a)nan: Jeandre, Jeanille, Lupita, Alvin, Mevelin,
Jermain, Marsela, Joanne, Julissa, Joshua, Jeanpierre, Vito, Joally y
Josanne.

Tanta y Omo nan: Aida Harms Boekhout
Chika y George Wijshijer
Lidia Boekhout
Joyce y Tilo Willems
Ronny Boekhout
Mario Boekhout
Modesto Werleman

Amigonan di cas: Eugene Flanegin, Simon
Prima primo nan y Demas famia: Boekhout, Henriquez, Werleman,
Tromp, Wever, Vrolijk, Jansen, Maduro, Ras, Cid Cabrera,
Wijshijer, Harms, Dirks, van der Biezen, Lampe, Winterdaal,
Willems, Briesen, Leon, Geerman, Rasmijn, Carty, Kwidama,
Flanegin, Wernet, Eljadue, Pacheco, Roja, Hernandez, Quandt,
Kelly, James, Sanchez, Danje, Gonzalez, Koolman.

Oportunidat pa conolencia: diabierna 15 di maart 2024 di 7:00 –
9:00 pm na Cashero # 31-A

Ta invita pa e acto di entierio cual lo tuma lugar diasabra 16 Maart
2024 di 9or pa 11 or na Misa imaculada Concepcion na sta Cruz
despues saliendo pa Santana Catolico Pastoor de Vries na Santa
Cruz.

BROWN
advocaten

Ta participa fayecimento di

Sr. Bibiano Paulino Croes
Tata di nos colega Sra. Carina Croes

Nos staf y personal ta extende
palabranan di profundo condolencia
na famia Croes.

Hopi forza den e momentonan dificil aki.



CONDOLENCIA



Staff y Personal di Alhambra Casino (Divisino N.V.)
ta participa fayecimento di:

Sra. Myrta Monica Maduro-Croes
Mama di nos empleado / colega, Nathaniel

Nos mas sincero condolencia na
su casa, yiunan, nieto nan y demas famia.
Hopi forza den es momento nan dificil aki.

Cu “Myrta” sosega na Paz

Alhambra
CASINO AND SHOPS

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Perdida di un mama ta un di e dolornan di mas grandi cu un curason por conoce. Pero su amor, bondad y sabiduria lo biba pa semper y lo t'ey cu nos pa eternidad.

A bai drumi dushi den brasa di señor, nos kerida mama, oma, ruman, tanta, prima y amiga:



Filomena "Mena" Teresita Laclé
Sunrise: 22-06-1951 - Sunset: 11-03-2024

Na number di su:

Na number di su:

Mama: †Natividad Sira Laclé-Oduber

Tata: †Juan Ovid Laclé

Yiunan: Zulaika Briezen y Sandro de Cuba

Milouska Briezen y Jeffrey Lopez

Franchesca Briezen

Nietonan: Devin, Ian y Isabella de Cuba

Kane y Stevie van Heusden

Zyra Flanegin

Tata di su yiunan: †Juan Mario Briezen

Rumanan: Frieda y Glyn Morgan

†Ronny y Marie Pierre Laclé-Fénart

†Dolfi y Vivecca Laclé-Chirino

Johnny y Dilaila Laclé-Harms

Rafael y Vera Laclé-Gomez

†Ethlyne Laclé

Dennis Laclé

†Glenn y Trina Laclé-Maduro

Mary Laclé

Steve y Odalis Laclé-Lopez

Subrina y subrina nan: Mark, Marice, Esmee, Paco,

†Dave, Alvin, Levi, Ewald, Oswald, Joanaila,

Ralph, Melissa, Marilyn, Annuard, Thierry, Odille,

Odina

Ex-suegra/o: †Juan y Aida Briezen-Ridderstap

Ex-Swa nan: Glenn Briezen y famia, Eddy Briezen

y famia

Persona/famia nan cu a nifica hopi pa nos mama:

Gaby Laya, Jenny Paredes, Edline, Imelda, Daisy Weller,

†Ronny Werleman, Famia van Heusden, Lehmann &

Davelaar, Hubert de Cuba y famia, Urbano Lopéz y

famia, Famia Flanegin, Teresita & Chemmy Dubero,

Mary Munoz, Gershon Oduber y famia, Miriam

van Bochove – Oduber y famia, Henneke & Lambert

Naudin-Ten Cate y famia, Ageeth & Theo Kok,

Ursulita Tromp- Ridderstap y famia, Famia Cornelis-

Pera, Famia Hurkmans-Souza, Famia Meerendonk,

Famia Lejeuz-Gumbs, † Felepa Saladin-Oduber, †

Stella Oduber y full famia Laclé y Oduber

Amiganan: Violeta Dijkhoff, Edna Croes, Aantje

Vrolijk, †Rosleen Oduber

Su tanta y omo nan, primo y prima nan y demas famia.

Personal di Wondenpoli, Light Life, Faith & Hope,

Afdeling B3 y B4 di Hospital, Imsan Diabetic Center.

Ta invita pa acto di condolencia cu lo tuma lugar

diabierna 15 di Maart 2024 na Aurora Funeral Home

di 7-9 pm.

Su "Celebration of Life" lo tuma lugar diasabra 16 di

Maart 2024 na misa Santa Filomena na Paradera di 9-11

am.

Preferibelmente bin bisti den colornan alegre. Despues

di entierro, no ta ricibi bishita na cas.

Nos disculpa si den nos tristesa nos por a lubida di

menciona un of otro famia y amistad.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu profundo tristesa na nos curason pero conforme cu boluntad di Dios nos ta anuncia fayecimento cristianamente di:



Felephina Maria Tromp
Mihor conoci como "Pechi"
*23 augustus 1926 - †06 maart 2024

Na number di su:

Rumannan:

Na number di su:

Rumannan:

†Felix y Maria Tromp-Tromp y yiunan

†Dominico Tromp "Shonco"

†Guillermo Tromp y yiunan

†Cecilio Tromp y †Edwina Krozendijk-

Tromp y yiunan

†Reynaldo Tromp

Rafael Tromp y †Estela Tromp-Farro y

yiunan

Heraclea Giel-Tromp "Graciela/Comer"

y †Mario Giel y yiunan

Na tur su primo y primanan, sobrino y

sobrinanan, ihanan, comer y compernan,

cuñanan, bisña y conocirnan y demas

famia: Kelly, Tromp, Giel, Irausquin,

Werleman, Perez-Zarate, Braafhart,

Hawkins, DeLanooi, Krozendijk,

Henriquez, Floranus, Scoop, Martis,

Plaate, Croes, Stewart, Lodoño, Ruiz,

Kock, Jones, Loefstop

Na su ayudantenan cu a cuide na cas:

Wendy, Zhenia, Monique y na Stichting

Thuiszorg na Jaburibari.

Nos ta invita tur famia y conocirnan pa

asisti na e acto di entierro cual lo tuma

lugar na Misa Sta. Filomena na Paradera

diabierna 15 di maart 2024, di 12'or pa

4'or di atardi. Despues lo sali pa Santana

Catolico na Paradera.

Nos disculpa si den nos tristesa nos por

a lubida di menshona un of otro number

di famia y of amistad, nos ta lamenta

cu despues di entierro nos no por ricibi

bishita na cas.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mateo 11: 28-30

"Vengan todos amí todos los que estan fatigados y agobiados por la carga y yo les dare alivio. Tomen mi yugo sobre ustedes y aprendan de mi que soy manso y humilde de corazon y encontraran descanso porque mi yugo es suave y mi carga ligera"



Ta Anuncia fayecimento di nos querido esposo, tata ,welo, ruman Juan Carlos Velez Cano

Director di Shoe Express N.V.

A traha duru pa sali dilanti y cu orguyo pa su famia y su pais.

Tabata miembro activo di misa Fatima na Dakota y di misioneronan di Lazos de Amor Mariano.

Tabata juda muchanan di Imelda Hof unda a duna les di Señor.

Casa: Bertha Lucia Velez Salazar

Yiunan: Ana Maria Diaz Velez

Jessica Arteaga Velez

Emanuel Velez

Nietonan: Ariana Catalina Velez Cano

Evamarie Veny Lucia Diaz

Aaron Diaz

Nucronan: Jerry Diaz

Julian Arteaga

Ruman na Aruba: Maria Eugenia Velez

Cano

Resto di famia ta sufrí su dolor na su pais natal Colombia.

Ta invita un y tur pa acto di condolencia y misa Diasabra 16 di maart 2024 orario 2pm pa 4pm na Misa di Fatima na Dakota.

Francia:

Casi 500 victima di abuso sexual di Iglesia Catolico a ricibi compensacion financiero

(AP)—Centenares di victima di abuso sexual infantil cometi pa pastoor- y representantenan di misa a ricibi compensacion financiero for di e Misa Catolico Frances den un programa di reparacion, segun un curpa independiente encarga di e proceso a bisa diahuebs.

Un rapport anual pa e Independent National Authority for Recognition and Reparation a bisa cu 1,351 victima a bin dilanti pa haya compensacion y busca apoyo psicologico den un esfuerso pa recupera for di trauma di infancia.

E edad averahe di victima cu a bin dilanti ta 61 aña, segun Marie Derain de Vaucresson, e hefe di e curpa a bisa durante un conferencia di prensa diahuebs. Di esakinan, 66% ta hende homber y 34% ta hende muhe, el a bisa. E proceso di keho a compensacion a cuminsa na 2022.

Te awo, e autoridadnan di reparacion a aproba kehonan pa compensacion di 489 victima, e rapport a bisa. Di eseynan, 88 persona a haya un maximo di 60,000 euro. Aña



pasa, e compensacion di 358 victima e ser aproba y a duna cada individual un suma averahe di 35,310 euro, e rapport a muestra.

E conferencia di obispo Catolico di Francia a dicidi pa provee reparacion despues cu un rapport na 2021 a calcula cu aproximadamente 330,000 mucha a ser abusa sexual-

mente pa un pastoor of otro figura relacion cu e misa na Francia durante un periodo di 70 aña.

E calculacionnan tabata basa riba investigacion mas amplio pa Institucion Nacional di Salud y Investigacion Medico den abuso sexual di mucha. E rapport a describi un scound-

emento “sistemico” pa oficialnan di misa y a urgi e Misa Catolico Frances pa respeta e regla di ley na Francia.

Un bes cu e autoridadnan di reparacion ta aproba e compensacion financiero, ta manda cada caso na un fondo special financia pa e misa pa pago. E mayoria di esnan cu a tuma contacto cu e autoridad

na 2023 a reporta crimenan “hopi serio,” e rapport a bisa, incluyendo abuso sexual repetido.

Den 39% di e casonan, e abusonan a continua pa mas cu un aña y den 12% di e casonan e abusadornan a manipula e victima psicologicamente pa te cu cinco aña despues di e ultimo asalto fisico, segun e rapport.

Victimanan tabata entre 6 y 15 aña ora nan a ser abusa, e rapport a muestra. Reparacionnan tambe ta inclui apoyo no financiero manera ayudo pa victimanan skirbi nan storia, reuni cu representantenan di misa of instala un plakkaat den memoria di e victimanan. Aproximadamente 780 victima ta ricibiendo asistencia di e autoridad.

E asistencia aki ta inclui ayudo pa skirbi carta na un abusado cu a fayece caba of pa mienda relacionnan kibra cu e yiunan adulto, pareha of otro miembro di famia di e victima. Mas frecuente esaki ta encera solamente tendiendo e victimanan cu awo ta den nan 60, 70 y hasta 80 añananapia di esaki despues di a keda silencio pa hopi tempo.

Lider Supremo di Nort Korea ta test tanki nobo y ta ordena trupanan prepara pa guerra



(AP)—E lider di Nort Korea Kim Jong Un a participa den e entrenamiento tropanan riba un tanki nobo y a core un su mes, segun media estatal a reporta diahuebs, mientras cu rivalnan Sur Korea y Merca a caba cu nan ehercicionan militar anual.

Esaki ta e tercer biaha cu Kim a observa ehercicionan mili-

tar despues e comiendo di e ehercicionan di 11 dia di Merca y Sur Korea, cual el a mira como entrenamiento pa un invasion. Esey ta un opcion menos provocativo cu testnan misil. Nort Korea a intensifica su lansamentonan desde 2022 y aumenta su retorico agresivo e aña aki.

Na e ehercicionan di tanki diaranson, Kim a gaba e tanki

nobo di e pais como “esun mas poderoso na mundo” y a bisa su tropanan pa aumenta nan “spirito di lucha” y completa “preparacionnan pa guerra,” segun e Korean Central News Agency. E otro dos ehercicio cu el a inspecta recientemente tabata dedica na lansamento di artilleria y ehercicionan di maniobra.

A revela e tanki pa prome biaha durante un para militar na 2020, y e hecho cu esaki a ser maneha ta indica cu e ta cla pa ta desplega, expertonan Sur Koreano a bisa. Potretnan di e tanki cu a ser publica ta muestra cu e tin un tubo pa lanza misil, sistemanan di arma cu e Union Sovietico a opera caba den e añanan 1970. E tanki nobo por ta un menasa pa Sur Korea, manera Yang Uk, un analista na Asan Institute for Policy Studies, a bisa, pero no ta claro ainda si por produci esaki en masa. E ministerio di Defensa Nort

Korea a menasa siman pasa “actividadnan militar responsabel” como reaccion na e ehercicionan di Sur Korea y Merca, cual a involvi un entrenamiento di comando simula pa computer y 48 tipo di ehercicio riba veld di bataya, dos biaha mas cu loke a conduci aña pasa. Merca y Sur Korea ta expandiendo nan ehercicionan di entrenamento den un respuesta pa e serie di test arma cu Nort Korea a conduci.

Preocupacionnan tocante e preparacionnan militar di Nort Korea a aumenta desde cu Kim a priminti den un discurso na januari pa modifica e constitucion pa elimina e meta di e pais pa busca unificacion pasivo di e Peninsula Koreano y a bisa cu Sur Korea ta su “enemigo principal.” El a bisa cu e constitucion nobo mester specifica cu Nort Korea lo anexa y conquista Sur Korea si un guerra plama.

E movidanan di Kim ta señala “e cambionan fundamental di Nort Korea riba su politica di Sur Korea, mas aya cu solamente retorica,” como cu e empuhe anterior di Nort Korea pa unidat inter-Koreano a permiti’e pa haci un yamado firme pa kita e tropanan Mericano den Sur Korea, segun un oficial Sur Koreano a conta un grupo chikito di reportero dialuna. El a pidi pa anonimidad, citando e naturalesa delicado di e asunto. Observadornan ta bisa cu Kim probablemente kier usa su armanan arsenal pa gana e concesionnan di Merca manera alivia extensivo riba sancion internacional riba Nort Korea. Nan ta bisa cu ta anticipa cu Nort Korea lo extende su actividadnan di test y aumenta retorica di guerra e aña aki mientras Sur Korea ta tene su eleccion parlamentario den april y e eleccion presidencial Mericano den november.



Hummoy Bandera

WEEKEND SALE

SAVE 310,-



NOW 729,-
WAS AWG 1039,-
GEA
MICROWAVE HOOD COMBO
1.6 CU. FT 1000W BL
JVM3160DFBB

SAVE 420,-



NOW 1079,-
WAS AWG 1499,-
MABE
STOVE 30"
6 BURNER
GAS RANGE
SILVER
EMI7659BFIS2

SAVE 336,-



NOW 1799,-
WAS AWG 2135,-
WHIRLPOOL
FREEZER CHEST
15 CU. FT
2 DOORS
WHITE
WHB42EBTWJ

SAVE 930,-



NOW 2199,-
WAS AWG 3129,-
ELECTROLUX
WASHER
FRONT LOAD
4.5 CU.FT.
ENERGYSTAR-
WHITE
ELFW7537AW

SAVE 560,-



NOW 999,-
WAS AWG 1559,-
GEA
DISHWASHER
BUILT IN
COMPACT 18"
MODEL
WIFI CONNECT-SS
PDT145SSLSS

SAVE 460,-



NOW 1999,-
WAS AWG 2459,-
FRIGIDAIRE
REFRI
TOPMOUNT
14 CU.FT. SS
FFHT1425VV



569-2407 AMC EAGLE MEGASTORE
569-3730 AMC DAKOTA
568-9070 AMC SAN NICOLAAS

HORARIO: 9AM - 6PM
DIALUNA PA DIASABRA

